


文獻通考 十一之三




甲五

			一	漢書門
			二	
			三	
			四	
			五	
			六	
			七	
			八	
			九	
			十	
〇〇冊	架	函	號	類

庫文閣內	
二九冊	漢書
架	類
一〇〇冊	函
一五八號	類

內閣文庫	
番號	漢 11568
冊數	100 (5)
函號	294 1



非藏
亦不圖

文獻通考卷之十七

戶口考

宋鄱陽 馬端臨 貴興 著

淺草文庫

宋太祖皇帝建隆元年戶九十六萬七千二百五十三

乾德元年平荆南得戶十四萬二千三百 湖南平得戶九萬

七千三百八十八

三年蜀平得戶五十三萬四千二十九 開寶四年廣南平得

戶十七萬二百六十三

八年江南平得戶六十五萬五千六十五

開寶九年天下主客戶三百九萬五百四

此係會要所載本年主客戶數如前行所載開寶八年

平江南以前戶數出通鑑長編通筭只計二百五十六

萬六千三百九十八與會要不合當考

文獻通考卷之十七

漢書門			
一	一	二	二
〇	〇	五	五六八
冊	架	函	號
類			

詔更定縣望以戶四千以上為望次為緊為上為中為中下凡五等

乾德元年令諸州歲奏男夫二十為丁六十為老女口不預開寶四年詔曰朕臨御以來憂恤百姓所通抄人數目尋常別無差徭只以春初修河蓋是與民防患而聞豪要之家多有欺罔併差資闕豈得均平特開首舉之門明示賞罰之典應河南大名府宋亳宿穎青徐兗鄆曹濮單蔡陳許汝鄧濟衛淄濰濱棣滄德貝冀澶滑懷孟磁相邢洛鎮博瀛莫深揚秦楚泗州高郵郵所抄丁口宜令逐州判官縣令佐子細通檢不計主戶牛客小客盡底通抄差遣之時所冀共分力役敢有隱漏令佐除名典吏決配募告者以犯人家財賞仍免三年差役

太宗雍熙元年令江浙荆湖廣南民輸丁錢以二十成丁六十入老并身有疾廢者免之

至道元年詔復造天下郡國戶口版籍

自唐末四方兵起版籍亡失故戶稅賦莫得司知至是始命復造焉

至道三年天下主客戶四百一十三萬一千五百七十六

真宗大中祥符四年詔除兩浙福建荆南廣南舊輸身丁錢凡四十五萬四百貫

三司使丁謂言東封及汾陰賞賜億萬加以蠲復諸路租賦除免口筭聖澤寬大恐有司經費不給上曰國家所務正為澤及下民但敦本抑末節用度自然富足

初湖廣閩浙因偽國舊制歲歛丁身錢米所謂丁口之賦大中祥符間詔除丁錢而米輸如故至天聖中婺秀二州猶輸丁錢轉運司以為言乃除之其後麗籍請罷潭泉州興化軍丁米有司持不可皇祐三年帝命三司首減潭未桂陽監丁

米以最下數為準歲減十餘萬石既而漳泉興化軍亦第損之嘉祐四年復命轉運司裁定邠桂陽與道衡二州所輸丁米及錢絹雜物無業者施之有業者減半後雖進丁而復增取時廣南猶或輸丁錢亦命轉運司條上自是所輸無幾矣

天禧五年天下主客戶八百六十七萬七千六百七十七口一千九百九十二萬三百二十

詔諸州縣自今招來戶口及創居入中開墾荒田者許依格式申入戶口籍無得以客戶增數舊制縣吏能招增戶口縣印申等仍加其俸緡至有析客戶者雖登戶籍而賦稅無所增入故條約之

仁宗天聖七年天下主客戶一千一十六萬二千六百八十九口二千六百五萬四千二百三十八

及曆八年天下主客戶一千七十二萬三千六百九十五口一千一百八十三萬六十四

嘉祐八年天下主客戶一千二百四十六萬二千三百二十七口二千六百四十二萬一千六百五十一

英宗治平三年天下主客戶一千二百九十一萬七千二百二十一

神宗熙寧八年天下主客戶一千五百六十八萬四千五百二十九口二千三百八十八萬七千一百六十五

湖廣承偽政舊輸丁米太中祥符以後屢裁損猶不均四年詔屯田員外郎周之純往廣東相度均之

元豐二年七月提舉廣西常平劉誼言廣西一路戶口二十萬而民出役錢至十九萬緡先用稅錢敷出稅數不足又敷之田米田米不足復筭於身丁夫廣西之民身之有丁也既

稅以錢又筭以米是一身而輸二稅始訖世弊法今既未能
蠲除而又益以役錢甚可憫也至於廣東西監司提舉司吏
一月之給上同今錄下倍攝官乞裁損其數則兩路身丁田
米亦可少寬遂詔月給錢遞減二千歲遂減一千二百餘緡
按廣南丁錢史所載大中祥符間盡蠲之獨丁米未除
今觀誼之言則尚有丁錢也作法於貪難革而易復可
畏哉

元豐六年天下主客戶一千七百二十一萬一千七百一十三
口二千四百九十六萬九千三百

右以上係國朝會要所載戶口數目今考元豐三年檢
正中書戶房公事畢仲衍經進中書備對內載天下四
京一十八路戶口主客數目微為不同又有各路細數
今具錄于后

天下總四京一十八路戶主客一千四百八十五萬二千六百

八十四主一千一十萬九千五百四十二內四十一萬九千五百

箭手僧院道觀山涇山團儀典佃喬佃船居黎戶不分主客女戶今並附入主戶處客四百七十四萬三

千一百四十四內一萬五百二十二戶元供交界浮居

口主客三千三百三十萬三千八百八十九

主二千三百四十二萬六千九百九十四內六十八萬三千

供弓箭手山儀童行僧道登船居黎戶今入主口數

客九百八十七萬六千八百九十五內一萬一百二十八口

數戶

丁主客一千七百八十四萬六千八百七十三

主一千二百二十八萬四千六百八十五內二十九萬八千

分主客五百五十六萬二千一百八十八

東京開封府縣二十二 開封 祥符 陳留 雍丘 襄邑

咸平 太康 扶溝 尉氏 陽武 酸棗 長垣 封丘 白馬 中牟 管城 新鄭 考城 昨城 東明

戶主一十七萬一千三百二十四

口主二十九萬五千九百一十二客八萬五千一百八十

丁主二十一萬二千四百九十三

京東路州一十五 兗 徐 曹 青 鄆 密 齊 濟

沂 登 萊 單 濮 濰 淄 淄 縣七十八

戶主八十一萬七千九百八十三客五十五萬二千八百一十七

口主一百六十六萬九百三客八十八萬五千七百七十四

丁主九十五萬七千五百五十四客五十六萬五千六百九

京西路州一十四 許 孟 陳 襄 鄧 隨 金 房

汝 蔡 郟 均 唐 穎 河南 軍一 信陽

縣七十九

戶主三十八萬三千二百二十六客二十六萬八千五百一

十六

口主六十四萬四千七百五十七客四十五萬八千一百三

十

丁主四十萬七百四十客二十六萬九千六百二十三

河北路州二十三 定 澶 相 恩 邢 滄 懷 衛

博 磁 洛 棣 深 瀛 雄 霸 祁 冀 趙 德

濱 莫 保 府二 大名 真定 軍十一 永靜

乾寧 信安 廣信 安肅 保定 順安 保順 德清

永寧 北平 縣一百四

戶主七十六萬五千一百三十客二十一萬九千六百五
口主一百四十七萬三千六百八十三客四十萬四千五百五

丁主七十七萬三千八百九十一客二十萬五千四百六

陝府西路州二十六 陝 同華 耀 邠 涇 秦

鄜 延 解 隴 成 鳳 號 坊 丹 階 商

寧 原 慶 渭 環 熙 岷 河 府 三 京 兆

鳳 翔 河 中 軍 六 慶 成 鎮 戎 保 安 康 定 通 遠

德 順 縣 一 百 一 十 八

戶 主 六 十 九 萬 七 千 九 百 六 十 七 客 二 十 六 萬 四 千 三 百 五

口 主 二 百 一 萬 五 千 四 百 三 十 六 客 七 十 四 萬 六 千 三 百 六

十八

丁 主 一 百 六 萬 七 千 九 百 三 十 六 客 四 十 二 萬 五 千 六 百 五

十一

河 東 路 州 十 四 潞 晉 麟 府 代 絳 隰 忻

汾 澤 憲 嵐 石 豐 府 一 太 原 軍 七

威 勝 寧 化 平 定 岢 嵐 火 山 保 德 吉 鄉

監 一 大 通 縣 七 十 三

戶 主 三 十 八 萬 三 千 一 百 四 十 八 客 六 萬 七 千 七 百 二 十 一

口 主 七 十 五 萬 二 千 三 百 一 客 一 十 三 萬 八 千 三 百 五 十 八

淮 南 路 州 一 十 八 揚 壽 廬 宿 濠 和 蘄 海

楚 舒 泰 泗 亳 光 滁 黃 真 通 軍 一

無 為 縣 六 十 九

戶主七十二萬三千七百八十四客三十五萬五千二百七

十口主一百三十九萬三千五百五十五客六十三萬七千三

百二十六

兩浙路州一十四 杭 越 蘇 潤 湖 婺 明 常

衢 溫 台 秀 睦 處 縣七十九

戶主一百四十四萬六千四百六客三十八萬三千六百九

十口主二百六十萬五千四百八十四客六十一萬八千二百

一十五

丁主一百六十二萬九千五百三十二客二十九萬八千二

十七

江南東路州七 宣 歙 江 池 饒 信 太平 府一

江寧 軍二 廣德 南康 縣四十八

戶主九十萬二千二百六十一客一十七萬一千四百九十

九口主一百六十萬九千六百一十二客二十八萬九千八百

四十三

丁主一百一萬九千一百三十四客一十八萬六千二十七

江南西路州六 洪 虔 吉 袁 撫 筠 軍四

興國 建昌 臨江 南安 縣四十七

戶主八十七萬一千七百二十客四十九萬三千八百一十

三口主二百一萬六百四十六客一百六萬五千二百一

丁主八十八萬四千三百二十九客三十八萬七百九十八

荆湖南路州七 潭 衡 永 郴 邵 全 道 監一

口主二百一萬六千四百六十六客一百六萬五千二百一

丁主八十八萬四千三百二十九客三十八萬七百九十八

荆湖南路州七 潭 衡 永 郴 邵 全 道 監一

口主二百一萬六千四百六十六客一百六萬五千二百一

丁主八十八萬四千三百二十九客三十八萬七百九十八

荆湖南路州七 潭 衡 永 郴 邵 全 道 監一

口主二百一萬六千四百六十六客一百六萬五千二百一

丁主八十八萬四千三百二十九客三十八萬七百九十八

荆湖南路州七 潭 衡 永 郴 邵 全 道 監一

口主二百一萬六千四百六十六客一百六萬五千二百一

丁主八十八萬四千三百二十九客三十八萬七百九十八

荆湖南路州七 潭 衡 永 郴 邵 全 道 監一

桂陽縣三十三

戶主四十五萬六千四百三十一客二十五萬四千六百二十六

口主一百一十五萬三千八百七十一客六十七萬四千二百五十八

丁主六十二萬二千九百三十三客二十二萬二千五百四十六

荆湖北路州九 鄂安岳鼎澧峽歸辰

沅府一 荆南縣四十五

戶主二十五萬五百九十三客二十三萬八千七百九十四
口主七十萬二千三百五十六客五十萬九千六百四十四
丁主二十八萬五千五百二十六客二十萬七千六百二十四

福建路州六 福建泉南劍漳汀軍二

邵武興化縣四十五

戶主六十四萬五千二百六十七客三十四萬六千八百二十

口主一百三十六萬八千五百九十四客六十七萬四千四百三十八

成都府路州一十二 眉綿漢彭蜀嘉邛

簡黎雅茂威府一 成都軍一 永康

戶主五十七萬四千六百三十客一十九萬六千九百三十八
口主二百七十八萬九千二百二十五客八十六萬四千五百二十三

丁主六十八萬五千二十客二十七萬七百二十四

梓州路州一十一 梓 遂 果 資 普 合 榮 渠

昌 戎 瀘 軍二 懷安 康安 監一 富順 縣四

十九

戶主二十六萬一千五百八十五

口主八十八萬五千五百一客五十二萬八千二百一十四

丁主三十七萬四千六百六十九客三十萬五千五百二十

九

利州路州九 利 閬 洋 文 劍 興 巴 蓬 龍

府一 興元 縣三十九

戶主一十七萬九千八百三十五客一十二萬二千一百五

十六

口主四十萬二千八百七十四客二十四萬五千九百九十

二

丁主一十九萬五千三百八十七客一十四萬四千五百九

十一

夔州路州九 夔 忠 萬 施 開 達 涪 渝 黔

軍三 雲安 梁山 南平 監一 大寧 縣三十一

戶主六萬八千三百七十五

口主二十一萬五千五百九十五客二十五萬二千四百七

十二

丁主一十四萬九千七十客一十七萬一千一十七

廣南東路州一十四 廣 韶 循 潮 迪 南 雄 容

賀 封 端 新 康 惠 南 息 縣四十

戶主三十四萬七千四百五十九客二十一萬八千七十五

口主八十一萬二千一百四十七客三十一萬二千五百

十二

丁主七十二萬五千七百四十七客二十六萬二千五百九十九

廣南西路州二十四 桂 容 邕 象 昭 梧 藤

龔 潯 貴 柳 宜 賓 橫 融 化 高 雷

白 欽 鬱 林 廉 瓊 順 軍 三 萬 安 昌 化

朱崖 縣六十

戶主一十六萬三千四百一十八客七萬八千六百九十一

口主五十八萬四千六百四十一客四十七萬九千四百六

丁主二十七萬三千六百七十四客四十一萬九千三百一

十六

哲宗元祐六年天下主客戶一千八百六十五萬五千九十二

口四千一百四十九萬二千三百一

元符二年天下主客戶一千九百七十一萬五千五百五十五

口四千三百四十一萬一千六百六

徽宗崇寧元年天下主客戶共陞戶三十萬三千四百九十五

口四十萬九千一百六十三增入元符元數計戶二千令一萬

九千五百口四千三百八十二萬七百六十九

政和三年詳定九域圖志蔡攸何志同言本所取會天下戶

口數類多不實且以河北二州言之德州主客戶五萬二千

五百九十九而口纔六萬九千三百八十五霸州主客戶二

萬二千四百七十七而口纔二萬四千七百一十六通二州

之數率三戶四口則戶版刻隱不待校而知之乞詔有司甲

嚴法令務在覈實從之

八月淮南轉運副使徐闔中言九域志在元豐間主客戶共

一千六百餘萬大觀初已二千九十一萬乞詔諸路應奏戶

口歲終再令提刑提舉同參攷同保從之

一夫通考卷下

萬曆三年重刊

六年戶部言淮南轉運司申政和格知通令佐任內增收漏戶一千至二千戶常格一縣戶口多者止及三萬脫漏難及千戶少得應賞之人繇此不盡心推括看詳令佐任內增收漏戶八百戶陞半年名次一千五百戶免試三千戶減磨勘一年七千戶減二年一萬二千戶減三年知通隨所管縣通理此令佐加倍從之

按以史傳攷之則古今戶口之盛無如崇寧大觀之間然觀當時諸人所言則板籍殊欠覈實所紀似難憑覈者詳之

高宗紹興三十年天下土客戶一千一百二十七萬五千七百二十三口一千九百一十二萬九千八百八十八
紹興五年詔諸路經殘破州縣親民官到任據見存戶口實數批上印曆滿任日亦如之以考覈最

八年禮部尚書劉大中奏自中原陷沒東南之民死於兵火瘡痍水旱以至為兵為緇黃及去為盜賊餘民之存者十無二三姦臣虐用其民誅求過數丁鹽緇絹最為疾苦愚民寧殺子而不願輸生女者又多不舉民何以至是哉乞守令滿日以生齒增減為殿最又詔應州縣鄉村五等坊郭七等以下戶及無等第貧乏之家生男女不能養贍者於常平錢內人支四貫文省仍委守令勸諭父老曉譬禍福若奉行如法所活數多監司保明推賞

孝宗乾道二年諸路土客戶一千二百三十三萬五千四百五十口二千五百三十七萬八千六百八十四

淳熙八年臣僚言饑饉之時遺棄小兒為人收養者於法不在取認之限聽養子之家申官附籍依親子孫法昨葉夢得守穎昌歲大饑乃為空名券坐上件法印板付里胥凡有收

養者給其券所全活甚衆乞下州縣鏤板諭民通知

又詔申嚴建劔汀邵四州不舉子之禁

光宗紹熙四年諸路主客戶一千二百三十萬二千八百七十三口二千七百八十四萬五千八十五

寧宗嘉定十六年諸路主客戶一千二百六十七萬八百一口二千八百三十二萬八千五百

兩浙路戶二百二十二萬三百二十一口四百二萬九千九百八十九

江南東路戶一百四萬六千二百七十二口二百四十萬二千三十八

江南西路戶二百二十六萬七千九百八十三口四百九十五萬八千二百九十一

淮南東路戶一十二萬七千三百六十九口四十萬四千二百六十一

淮南西路戶二十一萬八千二百五十口七十七萬九千六百一十二

廣南東路戶四十四萬五千九百六十七口七十七萬五千六百二十八

廣南西路戶五十二萬八千二百二十口一百三十二萬一千二百七

荆湖南路戶一百二十五萬一千二百二口二百八十八萬一千五百六

荆湖北路戶三十六萬九千八百二十口九十萬八千九百三十四

福建路戶一百五十九萬九千二百一十四口三百二十三萬五百七十八

京西路戶六千二百五十二口一萬七千二百二十一
成都府路戶一百一十三萬九千七百九十口三百二十七
萬一千三

利州路戶四十萬一千一百七十四口一百一萬六千一百
一十一

潼川府路戶八十四萬一千一百二十九口二百一十四萬
三千七百二十八

夔州路戶二十萬七千九百九十九口二十七萬九千九百
八十九

右國朝會要所載戶口南渡前無各路數目故以中書
備對所書元豐各路數編入而南渡後莫盛於寧宗嘉
定之時故備書之

身丁錢者東南淮浙湖廣等路皆有之自馬氏據湖南始取

永道郴州桂陽軍茶陵縣民丁錢絹米麥嘉祐四年詔無業
者與除放有業者減半然道州丁米每歲猶為二千石人甚
苦之紹興五年守臣趙坦請以二分敷於田畝一分敷於民
丁詔下其議漕司言如此則貧民每丁當輸三斗有奇乞盡
敷於田畝言者以為太重請損其一分詔漕司相度四月六日
年樞密院檢討王迪又請兩路丁錢隨田稅帶納八月不果
行十四年知永州羅長源言於朝遂盡放湖南諸郡丁錢十月
庚子然上供椿數則如故後十餘年楊良佐邦弼為漕乃奏除
之江東諸郡丁口鹽錢李氏有國日所制也蓋以泰州及靜
海軍州今通鹽貨計口俵散收錢入官其後失淮南而鹽不可
得既又令折綿絹輸之民益以為病明道二年范文正公為
江淮安撫乞會一路主戶以見在鹽價於春時給鹽食用隨
夏稅送納價錢奏可其後謂之蠶鹽者此也兩浙身丁錢者

始未行鈔法以前歲計丁口官散蠶鹽每丁給鹽一斗輸錢百六十有六謂之丁鹽錢皇祐中許民以納絹依時直折納謂之丁絹自鈔法既行之後鹽盡通商而民無所給每丁仍增錢為三百六十謂之丁身錢大觀中始令三丁納絹一匹當時納賤未有陪費其後物價益貴乃令每丁輸絹一丈綿一兩皆取於五等下戶民甚病之建炎三年詔以一半折絹一半納見錢丁未月於是歲為絹二十四萬匹綿百萬兩錢二十萬緡紹興初又用嚴守顏為言曾得解人免丁錢四月二十五年上念浙民之困免丁絹錢綿一年以內府錢帛償戶部八月乾道元年

孝宗以兩浙歲澇又免災傷郡邑身丁錢十三萬七千緡絹十六萬三千匹皆有奇二月惟臨安以駐蹕所在每三年一下詔除之歲滿復然至開禧元年十二月御筆浙路身丁錢

永興除免恩流漫博矣先是紹興末呂公雅廣問為浙以湖州丁絹多所隱漏乃給甲帖付民戶俾自排丁名得四十萬丁每丁為錢千四百絹八尺有奇三月明年守臣陳之茂因請折絹以五千為匹仍止歲額為定不以添丁而增賦詔皆可之丁未自是湖州以五丁科一匹矣未幾又增以七千為一匹乾道八年余處恭為烏程令請于朝乞以七丁科一匹曾欽道秉政奏行之自是為例兩淮丁錢者不知所從始乾道末詔民戶一丁充民丁者本名丁錢勿輸丁未入月二廣丁錢亦不知其所始廣西郡縣貧薄凡民間父祖年六十以上而身丁未成者亦行科納謂之掛丁錢紹熙初詔令本路監司約束二年大抵丁錢多偽國所糊余嘗謂唐之庸錢楊炎已均入二稅而後世差役復不免焉是力役之征既取其二也本朝王安石令民輸錢以免役而紹興以

後所謂者戶長保正雇錢復不給焉是取其三也合丁錢而論之力役之征蓋取其四矣而一有邊事則免夫之令又不免焉是取其五也孟子曰有布縷之征有穀粟之征有力役之征用其一緩其二用其二則民有殍用其三而父子離今布縷之征有折稅有和預買川路有激賞而東南有丁絹是布縷之征三也穀粟之征有稅米有義倉有和糴川路謂而斗面加耗之轉不與是穀粟之征亦三也通力役之征而論之蓋用其十矣民安得不困乎余惡天世之俗吏不知財賦本末源流故以趣辦為能而撥其本也故詳錄其事以待上問而出焉開湖廣丁錢在國初歲為四十五萬緡大中祥符四年七月嘗除之後又復西漢戶口至盛之時率以十戶為四十八口有奇東漢戶口率以十戶為五十二口可準周之下農夫唐人戶口至盛之時率以十戶為五十八口有奇可準周之中次自本朝

至紹興戶口率以十戶為二十一口以一家止於兩口則無是理蓋詭名子戶漏口者眾也然今浙中戶口率以十戶為十五口有奇蜀中戶口率以十戶為二十口弱蜀人生齒非盛於東南意者蜀中無丁賦故漏口少爾昔陸宣公稱租庸調之法曰不校閱而眾寡可知是故一丁授田決不可令輸二丁之賦非若兩稅鄉司能開闔走弄于其間也自井田付一之後其惟租庸調之法乎

右二段係建炎以來朝野雜記所載宋朝丁錢本末及歷代戶口詳略之槩其攷訂精核故書之

水心葉氏曰為國之要在於得民民多則田墾而稅增役眾而兵強田墾稅增役眾兵強則所為而必從所欲而必遂是故昔者戰國相傾莫急於致民商鞅所以壞井田開阡陌者誘三晉願耕之民以實秦地也漢末天下殫殘而

三國爭利孫權搜山越之衆以為民至於航海絕徼俘執
 島居之夷而用之諸葛亮行師號為秉義不妄虐獲亦拔
 隴上家屬以還漢中蓋蜀之亡也為戶二十四萬吳之亡
 也為戶五十餘萬而魏不能百萬而已舉天下之大不當
 全漢數郡之衆然則因民之衆寡為國之強弱自古而然
 矣今天下州縣直以見入職貢者言之除已募而為兵者
 數十百萬人其去而為浮屠老子及為役而未受度者又
 數十萬人若此皆不論也而戶口昌熾生齒繁衍幾及全
 盛之世其衆強富大之形宜無敵於天下然而偏聚而不
 均勢屬而不親是故無墾田之利無增稅之入役不衆兵
 不强反有貧弱之實見於外民雖多而不知所以用之直
 聽其自生自死而已而州縣又有國其丁中而裁取其絹
 價者此其意豈以為民不當生於王之土地而徃之者歟

夫前世之致民甚難待其衆多而用之有終不得者今之
 欲有內外之事因衆多已成之民率以北向夫孰敢爭者
 而論者曾莫以為意此不知其本之甚者也以臣計之有
 民必使之闢地闢地則增稅故其居則可以為役出則可
 以為兵而今也不然使之窮居樵悴無地以自業其駑鈍
 不才者且為浮客為傭力其懷利強力者則為商賈為竊
 盜苟得旦暮之食而不能為家豐年樂歲市無貴糶而民
 常患夫斗升之求無所從給大抵得以稅與役自通於官
 者不能三之一有田者不自墾而能墾者非其田此其所
 以雖蕃熾昌衍而其上不得而用之也嗚呼亦其勢之有
 不得不然者矣夫吳越之地自錢氏時獨不被兵又以四
 十年都邑之盛四方流徙盡集於千里之內而衣冠貴人
 不知其幾族故以十五州之衆當今天下之半計其地不

足以居其半而米粟穀帛之直三倍於舊雞豚菜茹椎薪之鬻五倍於舊田宅之價十倍於舊其便利上腴爭取而不置者數十百倍於舊蓋秦制萬戶爲縣而宋齊之間山陰最大而難治然猶不過三萬而兩浙之下縣以三萬戶率者不數也夫舉天下之民未得其所猶不足爲意而此一路之生聚近在畿甸之間十年之後將何以救之乎夫迹其民多而地不足若此則其窮而無告者其上豈宜有不察者乎田無所墾而稅不得增徒相聚搏取攘竊以爲衣食使其俗貪淫詐靡而無信義忠厚之行則將盡棄而魚肉之乎噫此不可不慮也漢之末年荆楚甚盛不惟民戶繁實地著充滿而材智勇力之士森然出於其中孫劉資之以爭天下及其更唐五代不復振起今皆爲下州小縣乃無一士生其間者而閩浙之盛自唐而始且獨爲東

南之望然則亦古所未有也極其盛而將坐待其衰此豈智者之爲乎且其土地之廣者伏藏狐兔平野而居虎狼荒墟林莽數千里無聚落姦人亡命之所窟宅其地氣蒸鬱而不遂而其狹者鑿山捍海摘決遺利地之生育有限民之鋤耨無窮至於動傷陰陽侵敗五行使其地力竭而不應天氣亢而不屬肩摩袂錯愁居戚處不自聊賴則臣恐二者之皆病也夫分閩浙以實荆楚去狹而就廣田益墾而稅益增其出可以爲兵其居可以爲役財不理而自富此當今之急務也而論者則又將曰慮其因徙而變夫豈有不變之術而未之思乎抑聽其自變者乎

奴婢 傭賃 品官占戶

周官大宰以九職任萬民八曰臣妾聚斂疏材九曰間民無常

職轉移執事

臣妾男女貧賤之稱轉移執事若今傭賃也

大司馬

七

酒人奚三百人

古者從坐男女没入縣官為奴其少才知以為奚今之侍史官婢

漢高祖今民得賣子

五年詔民以饑餓自賣為人奴婢者皆免為庶人

文帝勸務農桑帥以儉節未有兼并之害故不為民田及奴婢

為限

賈誼曰歲惡不入請賣爵子 又曰今人賣僮者為之繡衣

絲履偏諸緣納之閑中是古天子后服所以廟而不晏者也

晁錯勸帝募民徙塞下募民以丁奴婢贖罪及輸奴婢欲以

拜爵者

女子緹縈願没入為官婢以贖父罪

四年免官奴婢為庶人

武帝建元元年赦吳楚七國怒輸在官者

吳楚七國反時其首事者妻子没入為官

奴婢帝即位哀而赦之

司馬相如傳卓王孫僖客八百人程鄭亦數百人 董仲舒

說上曰宜少近古限民名田以贍不足塞兼并之路去奴婢

除專殺之威不得專殺奴婢也

其後府庫並虛乃募民能入奴婢得以終身復為郎增秩

楊可告緡徧天下告民匿緡者乃分遣御史廷尉正監分曹即

國緡錢得民財物以億計奴婢以千萬數其没入奴婢分諸苑

養狗馬禽獸及與諸官官益雜置多謂雜置官自徒奴婢眾而

下河漕度四百萬石及官自糴乃足

元帝時貢禹言官奴婢十餘萬游戲無事稅良民以給之宜免

為庶人

杜延年坐官奴婢之衣食免官

今按豪家奴婢細民為饑寒所驅而賣者也官奴婢有

罪而没者也民以饑寒至於棄良為賤上之人不能有

以賑救之乃復勅豪家兼并者之所為設法令其入奴婢以拜爵後役是令饑寒之民無辜而與罪隸等也况在官者十餘萬人而復稅良民以養之則亦何益於事哉

成帝永始四年詔曰公卿列侯親屬近臣多蓄奴婢被服綺絜其中飭有司以漸禁之

哀帝即位詔曰諸侯王列侯公主吏二千石及豪富民多蓄奴婢田宅亡限其議限列有司條奏諸侯王奴婢二百人列侯公主百人關內侯吏民三十人年六十以上十歲以下不在數中諸名田畜奴婢過品皆沒入縣官官奴婢年五十以上免為庶人

王莽名天下奴婢曰私屬不得買賣

光武建武二年五月詔曰民有嫁妻賣子欲歸父母者悉聽之

報論如律同

八年十一月詔王莽時吏人沒入為奴婢不應舊法者皆免為庶人
八年七年吏人遭飢亂及為青徐賊所略為奴下妻欲去留者悉聽之敢拘制不還以賣人法從事

十一年詔曰天地之性人為貴其殺奴婢不得減罪 八月癸亥詔曰敢炙灼奴婢論如律所炙灼者為廢民 冬十月壬午詔除奴婢射傷人棄市律

十二年三月詔隴蜀民被略為奴婢自訟者及獄官未報一切免為庶民

十三年十二月甲寅詔益州民自八年以來被略為奴婢者皆一切免為庶民或依託為人下妻欲去者悉聽之拘留者比青徐二州以略人法從事

十四年十二月癸卯詔益涼二州奴婢自八年以來自訟在所

官一切免為庶民賣者無還直

殤帝延平元年詔諸官府郡國王侯家奴婢姓劉及疲瘠羸老皆上其名務令實悉

安帝永初四年諸没入為官奴婢者免為庶人

晉武帝平吳之後令王公以下得蔭人以為衣食客及佃客官

品第一第二者佃客無過五十戶三品十戶四品七戶五品五

戶六品三戶七品二戶八品九品一戶

詳見職田門

晉元帝太興四年詔曰昔漢二祖及魏武皆免良人武帝時涼州覆敗諸為奴婢亦皆復籍此累代成規也其免中州良人遭

難為揚州諸郡僮客者以備征役

東晉寓居江左以來都下人多為諸王公貴人左右佃客典計

衣食客之類皆無課役官品第一第二佃客無過四十戶每品

減五戶至第九品五戶其他穀皆與大家量分其典計官品第

一第二置三人第三第四置二人第五第六及公府參軍殿中

監監軍長史司馬部曲督關外侯材官議郎以上一人皆通在

佃客數中官品第六以上并得衣食客三人第七第八二人第

九品舉輦跡禽前驅強弩司馬羽林郎殿中虎賁持椎斧武騎

虎賁持鉞色立冗從虎賁命武騎一人其客皆注家籍其課

丁男調布絹各二丈絲三兩綿八兩祿絹八尺祿綿三兩二分

租米五石丁女並半之男年十六亦半課年十八正課六十六

免課其男丁每歲役不過二十日其田畝稅米二升蓋大率如

此其度量三升當今一升秤則三兩當今一兩尺則一尺二寸

當今一尺

按此即漢人封君食邑戶之遺意然漢不過每戶歲賦

二百錢而此所賦乃過重者蓋封君所得只是口賦而

漢人有田者官別賦之晉以來人皆授田無無田之戶

是以戶賦之入於公家及私屬皆重又一品所占不過四十戶非漢列侯動以千戶萬戶計者比也

後魏令每調奴任耕婢任績者八口當未娶者四耕牛十頭當

奴婢八詳見田賦門

孝文太和九年詔均天下人田諸男夫十五以上受露田四十

畝婦人二十畝奴婢依良諸麻布之士男夫及課別給麻田十

畝婦人五畝奴婢依良皆從還受之法詳見田賦門

周武帝天和元年詔江陵人年六十五以上為官奴婢者已令

放免其公私奴婢年七十以外者所在官私贖為庶人 建德

元年又詔江陵所獲俘虜充官口者悉免為百姓

容齋洪氏隨筆曰元魏破江陵盡以所俘士民為奴無問

貴賤蓋北方夷俗皆然也自靖康之後陷於金虜者帝子

王孫宦門仕族之家盡沒為奴婢使供作務每人一月支

稗子五斗令自舂為米得一斗八升用為餼糧歲支麻五

把令緝為裘此外更無一錢一帛之入男子不能緝者則

終歲裸體虜或哀之則使執爨雖時負火得煖氣然才出

外取柴歸再坐火邊皮肉即脫落不日輒死惟喜有手藝

如醫人綉工之類尋常只團坐地上以敗席或蘆藉襯之

遇客至開筵引能樂者使奏技酒闌客散各復其初依舊

環坐刺綉任其生死視如草芥云

唐制凡叛逆相坐沒其家為官奴婢及逆家男女及奴婢沒官皆謂之官奴婢男年十四

以下者配司農十五以上者以其一免為審戶再免為雜戶三年長令遠京師配嶺南為城奴也

免為良人皆因赦宥所及則免之凡免皆因恩言之

顯慶二年勅放諸奴婢為良及部曲客女者聽之皆由家長手

書長子以下連署仍經本屬申牒陰附諸官奴婢年六十以上

及廢疾者並免賤

永昌元年越王正被誅家僮勝衣田者千餘人於是制王公已下奴婢有數

萬歲通天元年勅士庶家僮僕有驍勇者官酬主直並令討擊契丹大足元年勅以北緣邊州縣不得畜突厥奴婢

天寶八載勅京畿及諸郡百姓有先是給使在私家驅使者限勅到五日內一切送內侍省其中有是南口及契券分明者各作限約定數驅使雖王公之家不得過二人其職事官一品不得過十二人二品不得過十人三品不得過八人四品不得過六人五品不得過四人京文武清官六品七品不得過二人八品九品不得過一人其嗣郡王郡主縣主國夫人諸縣君等請各依本品同職事及京清資官處分其有別承恩賜不在此限其蔭家父祖先有者各依本蔭職減比見任之半其南口請以蜀蠻及五溪嶺南夷獠之類

大曆十四年詔邕府歲貢奴婢使之離父母之鄉絕骨肉之戀非仁也宜罷之

元和四年勅嶺南黔中福建等道百姓多被公私掠賣為奴婢宜令所在長吏切加捉搦并審細勘責委知非良人百姓乃許交關犯者準法處分

八年勅嶺南諸道不得輒以良口餉遺販易

長慶元年詔禁登萊州及緣海諸道縱容海賊掠賣新羅人口為奴婢

四年勅諸司諸使各勘官戶奴婢有廢疾及年七十者準格免賤從良

會昌五年中書門下奏天下諸寺奴婢江淮人數至多其間有寺已破廢全無僧眾奴婢既無衣食皆自營生洪潭管内人數倍多一千人以下五百人以上處計必不少並放從良百姓肯

依

大中九年禁嶺南諸州貨賣男女如有以男女傭賃與人貴分口食任於當年立年限為約不得將出外界

昭宗大順二年勅天下州府及在京諸軍或因收擄百姓男女宜給內庫銀絹委兩軍收贖歸還父母其諸州府委本道觀察使取上供錢充贖不得壓良為賤

後唐同光二年赦應百姓婦女俘虜他處為婢妾者不得占留一任骨肉識認

天成元年勅京城諸道若不是正口不得私書契券輒賣良人周顯德五年新定刑統該誘良口勾引逃亡奴婢與貨賣所盜資裝者其該誘勾引之人伏請處死良口奴婢在律處分居停主人重斷或分受贓物至三匹以上處死將良口於蕃界貨賣居停主人知而不告官者亦處死

宋太祖皇帝開寶二年詔奴婢非理致死者即時檢視聽其主速自收瘞病死者不須檢視

四年詔應廣南諸郡民家有收買利男女為奴婢轉將傭雇以輸其利者今後並令放免敢不如詔旨者決杖配流

淳化二年詔陝西沿邊諸郡先歲饑貧民以男女賣與戎人宜遣使者與本道轉運使分以官財物贖還其父母

至道二年詔江南兩浙福建州軍貧人負富人息錢無以償沒入男女為奴婢者限詔到並令檢勘還其父母敢隱匿者治罪真宗咸平元年詔川陝路理逋欠官物不得估其家奴婢價以償

六年詔士庶家雇僕有犯不得黥其面

天禧二年詔自今畧賣人口入契丹界者首領並處死誘致者同罪未過界者決杖黥配

大理寺言按律諸奴婢有罪其主不請官司而殺者杖一百無罪而殺者徒二年又諸條主毆部曲至死者徒一年故殺者加一等其有德犯決罰至死及過失殺者勿論目今人家傭賃當州設要契及五年主因過毆決至死者欲望加部曲一等但不以德犯而殺者減常人一等如過失殺者勿論從之

文獻通考卷之十二

宋鄱陽 馬 端臨 貴與 著

明蘄陽 馮 天馭 應房 校刊

職役考 鄉黨版籍職役

昔黃帝始經土設井以塞爭端立步制畝以防不足使八家為井井開四道而分八宅鑿井於中一則不洩地氣二則無費一家三則同風俗四則齊巧拙五則通財貨六則存亡更守七則出入相司八則嫁娶相謀九則無有相貸十則疾病相救是以情性可得而親生產可得而均均則欺凌之路塞親則鬪訟之心弭既牧之於邑故井一為隣隣三為朋朋三為里里五為邑邑十為都都十為師師七為州州夫始分於井則地著計之於州則數詳迄乎夏殷不易其制

周制大司徒令五家為比使之相保五比為閭使之相受四閭

為族使之相葬五族為黨使之相救五黨為州使之相調五州

為鄉使之相賓鄭玄曰此所以勸民者也使之者皆謂立其長

賢者也受者宅舍有故相受寄託也賜者謂禮物不備補給足

也閭二十五家族百家黨五百家州二千五百家鄉萬二千五

百家此總謂及三年則大比大比則受邦國之比要天下更簡

閱人數及其財物也受邦國之比要則亦受鄉遂矣鄭司農

云五家為比故以此為名今時八月按比是也要謂其鄉

比長每比下士一人掌五各掌其比之治五家相受相和親有

鼻奇衰則相及徙于國中則從而授之徙謂不便其居或國中

而付所處之徙于他則為旌節而行之謂徙異鄉若無授無節

則唯園土納之間胥每間中士一人掌二十各掌其間之徵令

歲時數其間之眾寡辨其施舍凡春秋之祭祀役政喪紀之數

聚眾庶既比而讀法書其敬敏任恤者凡事掌其比鱗撻罰之

事失禮者之罰也族師每族上士一人掌一各掌其族之戒令政事月吉屬民

邦法書其孝悌睦婣有學者春秋祭醔亦如之登其族之夫家

眾寡辨其貴賤老幼廢疾可任者及其六畜車輦比伍間族各

為聯使之相保相受賞罰相及以受邦職以役國事相葬埋若
師田行役則合其卒伍簡其兵器以鼓鐸旗物帥而至掌其治
令戒禁刑罰歲終則會
黨正每黨下大夫一人掌五各掌其黨之政令教治四孟月屬
民讀法春秋祭禋亦如之國索鬼神而祭祀祭蠟則以禮屬民而
飲酒于序以正齒位 凡黨之祭祀喪紀昏冠飲酒教其禮事
掌其戒禁 師田行役則以法治其政事 正歲屬民讀法書
其德行道藝歲終則會
州長每州中大夫一人掌二千各掌其州之教治政令 月吉
屬民讀法考其德行道藝糾其過惡而勸戒之歲時祭祀州社
則屬民讀法春秋以禮會民而射于州序州之大祭大喪皆泣

族師

族師

族師

族師

其事 師田行役則帥而置之掌其戒令於軍中賞罰於師中歲終則會 正歲讀法三年大比則大考州里以替鄉大夫廢興

遂人掌邦之野謂甸稍縣鄙以土地之圖經田野造縣鄙形

體之法五家為鄰五鄰為里四里為鄒作管五鄒為鄙五鄙為

縣五縣為遂皆有地域溝樹之使各掌其政令刑禁以歲時稽

其人民而授之田野簡其兵器教之稼穡經形體皆謂制分界

郊內比閭族黨州鄉也卿司農云田野之居其比五之名與國

中里制故五家為鄰鄭玄謂異其名者示相變耳遂之軍旅追

胥起徒役里有序而鄉有庠序以明教 庠則行禮而視化焉

夫均其厚薄則生產平統之於都則其數舉家於鄉遂則其戶

可詳五人為伍則人之衆寡可知故管子曰欲理其國者必先

知其人欲知其人之衆寡宜王是以料人于太原由茲道失之

鄰長每鄰一人家五掌相糾相受凡邑中之政相贊徙于他邑

則從而授之 里宰每里下士一人掌二十五家 掌比其邑之衆寡與其六畜兵器

治其政令以歲時合耦于鋤以治稼穡趨其耕耨行其秩序以

待有司之政令而徵斂其財財時

鄰長每鄰中士一人掌一百家 各掌其鄰之政令以時校登其夫家

比其衆寡治其喪紀祭祀之六事 作民則旗鼓兵革帥而至

歲時簡器兵器趨其耕耨稽其女工

鄙師每鄙上士一人掌五百家 各掌其鄙之政令祭祀作民謂起則

掌其戒令以時數其衆寡而察其姦惡而誅賞歲終則會

縣正每縣下大夫掌二百家 各管其縣之政令徵比以頒田里以

分職事掌其治訟趨其祿事謂賞罰之若將用野民師田行役

移執事則帥而至治其政令謂用其民既役則稽功會事而誅

賞

章氏曰三代後法莫詳於周周禮五兩置師之法此兵役

也師田追有之法此徒役也者史胥徒之有其人此胥役

也此間族黨之相保此鄉役也有司謹則因地之善惡而均役有族師焉則校民之衆寡以起役有鄉大夫焉則辨年之老少以從役有均役焉則論歲之豐凶以行復役之法

齊威公用管仲仲曰夫善牧者非以城郭也輔之以什司之以伍伍無非其里什無非其家故奔亡者無所匿遷徙者無所容不求而得不召而來故人無流亡之意吏無備追之憂故主政可行於人人心可繫於主是以制國郊內則以五家爲軌軌十爲里里四爲連連十爲鄉鄉五爲帥國內十五鄉自五至帥郊外則三十家爲邑邑十爲卒卒十爲鄉鄉二爲縣縣十爲屬屬有五自五至屬各有官長以司其事以寓軍政焉而齊遂霸徐偉長中論曰夫治平在成功興功與在事役均事役均在民數周民數周爲國之本也先王周知其萬民

之數乃分九職焉九職既分則劬勞者可見勤惰者可聞也然而事役不均者未之有也事役則均故上盡其心而人竭其力然而庶功不興者未之有也庶功既興故國家殷富大小不匱百姓休和下無怨疾焉然而治不平者未之有也故泉有源治有本道者審本而已矣故周禮孟冬司寇獻民數于王王拜受之登于天府內史司會冢宰貳之其重之也如是今之爲政者未之知恤已也譬猶無田而欲樹藝雖有農夫安能措其強力乎是以先王制六鄉六遂之法所以維持其民而爲之綱目也使其鄰比相保愛賞罰相延及故出入存亡臧否逆順可得而知也及亂君之爲政也戶口漏於國版夫家脫於聯伍避役逋逃者有之於是姦心競生而僞端並作小則濫竊大則攻劫嚴刑峻令不能救也人數者庶事之所日出也莫不取正焉

以分田里以令貢賦以造器用以制祿食以起田役以作軍旅國以建典家以立度五禮用脩九刑用措其唯審人數乎

秦用商鞅變法令民為什五而相收司連坐告姦者與斬敵首不告姦者與降敵同罰

按秦人所行什伍之法與成周一也然周之法則欲其出入相友守望相助疾病相扶持是教其相率而為仁厚輯睦之君子也秦之法一人有姦鄰里告之一人犯罪鄰里坐之是教其相率而為暴戾刻核之小人也

漢高祖二年舉民年五十以上有脩行能帥眾為善置以為三老鄉一人擇鄉三老一人為縣三老與縣令丞尉以事相教復勿繇戍以十月賜酒肉

十里一亭亭有長十亭一鄉鄉有三老有秩嗇夫游徼三老掌

教化嗇夫職聽訟收賦稅游徼循禁賊盜縣大率方百里其

民稠則減稀則曠鄉亭亦如之皆秦制也漢官儀曰游徼亭長皆習設備五兵弓弩

戰精刀劍甲鉦鼓吏亦備行滕帶劍佩刀持盾被甲設矛戟習射十里一亭亭長亭五里一鄉鄉開相去二里半司姦盜亭長持二天杖以執賊執繩以收執賊

水心葉氏曰縣鄉亭之制本於商鞅雖改法要是周衰

國大者難用舊制齊晉楚裂地名官以自便往往在商鞅

之前矣古者百里之狹自為朝廷由後世觀之疑若煩民

然三老嗇夫游徼猶各有職掌近民而分其責任若後世

蕩然無復紀秩而令長悍然獨以征取為事則又鞅之所

不為也

新城三老董公遮說漢王為義帝發喪討項羽

文帝十二年詔以戶口率置三老常員遣詣者勞賜三老帛人

五疋

武帝元狩元年遣謁者賜縣三老帛人五疋鄉三老人三疋

元狩六年遣謁者循行天下謁三老孝悌以為民師

矣太子發兵誅江充長安擾亂言太子反上怒甚壺關三老

茂上書言太子亡邪心上感悟

宣帝元康元年加賜三老帛四年及甘露三年皆賜帛有差

王尊為京兆尹坐免湖三公乘輿等上書訟尊治京兆功

効日著書奏天子後以尊為徐州刺史王尊為東郡太守河

水甚溢尊躬率吏民投沈白馬請以身填金堤水波稍却白

馬三老奏其狀制詔秩尊中二千石

黃霸守潁川吏民興於行誼賜三老爵及帛

韓延壽守馮翊有昆弟訟田延壽曰咎在馮翊移病不聽事

令丞嗇夫三老亦自繫待罪

元帝初元元年賜三老帛人五疋

五年賜三老帛人五疋

元光七年賜三老帛

成帝建始元年賜三老錢帛

綏和元年賜三老帛

平帝元始三年賜三老帛

西漢凡縣道有蠻夷國列侯所食邑邑皇太后皇后公千五百八

十七鄉六千六百二十二亭二萬九千六百三十五

東漢鄉置三老掌教化凡有孝子順孫正女義婦遜財救患及

學士為民法式者皆扁表其門閭以興善行 鄉置有秩游徼

有秩郡所置秩百石掌一鄉人其鄉小者縣置嗇夫一人皆主

知民善惡為役先後知民貧富為賦多少平其差品游徼掌循

禁司姦盜又有鄉佐屬鄉主民收賦稅亭有長以禁盜賊 里

有里魁民有什五善惡以告本注曰里魁掌一里百家什主十

家伍主五家以相檢察有善事惡事以告監官漢官曰鄉戶明帝卽位賜爵三老孝弟力田人三級注云三老孝弟力田皆鄉官之各三老高帝置孝弟力田高后置所以勸導鄉里助成風化

今攷西漢高后紀元年初置孝弟力田二千石者一人師古曰特置孝弟力田官而尊其秩欲以勸厲天下令各敦行務本然則三老鄉縣各一人孝弟力田旣祿秩如許尊未必各鄉皆設有其人則置之耳孝文武宣成哀紀各有賜孝弟力田金帛爵級事

元和二年帝耕于定陶詔曰三老尊年也孝弟淑行也力田勤勞也國家甚休之其賜帛人一疋勉率農功永平三年賜三老孝弟力田爵人三級十二年賜三老孝弟力田爵人三級

十七年賜三老孝弟力田爵人三級

章帝建初三年賜三老孝弟力田爵人三級

四年立皇太子賜爵同

和帝永光八年賜爵同

十二年賜爵同

元興元年立皇太子賜爵同

安帝永初二年帝加元服賜爵二級

元初元年賜爵同

延光元年賜爵人一級

順帝永建元年賜爵人三級

四年賜爵二級

陽嘉元年賜爵三級

桓帝建和元年賜爵同

獻帝建安元年賜爵人二級

晉制每縣戶五百以上皆置鄉三千以上置二鄉五千以上置三鄉萬以上置四鄉鄉置嗇夫一人鄉戶石每千以下置治書吏一人千以上置史佐各一人正一人五千五百以上置史一人佐二人縣率百戶置里吏一人其土廣人稀聽隨宜置里吏限不得減五十戶戶千以上置校官掾一人縣皆置方略吏四人洛陽縣置六部尉江左以後建康亦置六部尉餘大縣置二人次縣小縣各一人鄴長安置吏如三千戶以上之制

東晉哀帝崇和元年三月庚戌天下所在土斷

孝武時范甯陳時政曰昔中原喪亂流寓江左庶有旋反之期故許其狹注本郡自爾漸久人安其業丘壠墳相皆以成行無本邦之名而有安土之實今宜正其封疆土斷人戶明考課之科修閭伍之法難者必曰人各有桑土之懷下役之

慮斯成并兼之所執而非通理之篤論也古者失地之君猶臣所寓之主列國之臣亦有違適之禮隨會任秦致稱秦秩樂毅遣燕見襄良史且今普天之人原其氏出皆隨代移遷何至於今而獨不可帝善之 安帝義熙九年宋公劉裕緣人居土上表曰臣聞先王制禮九土攸序分境畫野各安其居故井田之制三代以崇秦革其政漢遂不改富強兼并於是為弊在漢西京大遷田景之族以實關中即以三輔為鄉閭不復係之於齊楚九服不侵所託成舊自永嘉播越爰託淮海朝運匡復之筭人懷思本之心經畧之圖日不暇給是以寧人緩理猶有未遑及至大司馬桓溫以人無定本傷理為深慮成土斷以一其業于時財阜國豐實由於此自茲迄今彌歷年載畫一之制漸用頽弛雜居流寓閭伍不脩王化所以未純人懷所以猶在自非政調無以濟理夫人情滯常

難與慮始謂父母之邦以爲來梓者誠以生焉故愛所託請
依庚戌土斷之科廢存其本稍與事著然後率之以仁義鼓
之以威聲超大江而跨黃河撫九州而復舊土則戀本之志
乃遂中於當年在始暫勤要終必易於是依界土斷唯青兗
徐三州人居晉陵者不在斷限諸流寓郡縣多被併省
宋孝武大明中王玄謨請土斷雍州諸僑郡縣今襄陽漢東等郡也
齊高祖建元二年詔朝臣曰黃籍人之大紀國之理端自墳
塋已久乃至竊注爵位益易年月或戶存而文書已絕或人在
而反記死叛停私而云隸役身強而稱六疾皆政之巨蠹教之
深疵比年雖却改籍書終無得實若約之以刑則人僞已遠若
緩之以德又未易可懲諸賢並深明理體各獻嘉謀以何行筭
能革斯弊也

虞玩之上表曰宋元嘉二十七年八條取人孝建元年書籍

教巧之所始也元嘉中故光祿大夫傅崇年出七十猶手自
書籍躬加隱校古之共理天下唯良二千石今欲求理正其
在勤明令長凡受籍縣不加檢勘但封送州州檢得知方却
下歸縣吏貪其賂人肆其姦姦彌深而却彌多賂逾厚而答
逾緩自泰始三年至元徽四年揚州等九郡黃籍共却七萬
一千餘戶今十一年矣而所正者猶未四萬神州奧區尚
或如此江湘諸郡尤不可言愚謂宜以元嘉二十七年籍爲
正人情法既久今建元二年書籍宜更立明科一聽首悔迷
而不返依制必戮使官長審自檢校然後上州永以爲正若
有虛昧州縣同答今戶口多少不核元嘉而板籍頓闕弊亦
有以自孝建以來入勳者衆其中操干戈衛社稷者三分殆
無一焉尋蘇峻平後庾亮就温嶠求勳簿而嶠不與以爲陶
侃所上多非實錄物之懷私無代不有又有改注籍狀詐入

仕流昔為人役者今反役人又生不長髮便謂道人或抱子
并居竟不編戶遷役去來公違土斷編役無漏流亡不歸法
令必行自然競反為理不患無制患在不行不患不行患在
不久帝省表納之乃別置校籍官置今史限人一日得數巧
以防憊急至武帝永明八年謫巧者戍緣准各十年百姓怨
咨帝乃詔曰既往之愆不足追咎自宋昇明以前皆聽復注
其有謫邊疆皆許還本自此後有犯嚴其罪

梁武帝時所司奏南徐江郢逋兩年黃籍不上帝納尚書令沈
約之言詔改定百家譜

約上言曰晉咸和初蘇峻作亂版籍焚化此後起咸和三年
以至于宋並皆詳實宋筆隱注紙連悉縫而尚書上省庫籍
唯有宋元嘉中以來者晉代舊籍並在下省左人曹謂之晉
籍自東西二庫既不係尋檢主者不復經懷狗牽鼠齧雨濕

沾爛解散于地又無扁勝此籍精詳實宜保惜位高官卑官
可依按宋元嘉二十七年始以七條徵發既立此科苟有迴
避姦偽互起歲月滋廣以至于齊於是東堂校籍置郎令史
以掌之而簿籍於此大壞矣凡粗有衣食者莫不互相因依
競行姦貨落除卑住更書新籍通官榮祿隨意高下以新換
故不過用一萬許錢昨日卑微今日仕伍凡此姦巧並出愚
下不辦年號不識官階或注義熙在寧康之前或以崇安在
元興之後此時無此府此年無此國元興唯有三年而猥稱
四年又詔書甲子不與長曆相應如此詭謬萬緒千端校籍
諸郎亦所不覺不才令史更何可言且籍字既細難為眼力
尋求巧偽莫知所在徒費日月未有實驗假令兄弟三人分
為三籍却一籍父祖官其二初不被却同堂從祖以下固自
不論諸如此例難可悉數或有應却而不却不須却而却所

却既多理無悉當懷冤抱屈非止百千投辭請訢充曹掾府
既難領理交輿人怨於是悉聽復注普停洗却既蒙復注則
莫不成官此蓋核籍不精之巨弊也臣謂宋齊二代士庶不
分雜役咸闕職由於此自元嘉以來籍多假偽景平以前既
不係檢凡此諸籍得無巧換今雖遺落所存尚多宜有徵驗
可得信實其末初景平籍宜移還上省竊以為晉籍所餘須
加實愛若不留意則還復散夫矣不識胄胤非謂衣冠凡諸
此流罕知其祖假稱高曾莫非巧偽質諸文籍姦事立露徵
覆矯詐為益實弘又上省籍庫雖直郎題掌而盡日料校唯
令史獨入籍既重實不可專委羣細若入庫檢籍之時直郎
直都應共監視寫籍皆於郎都目前並皆掌置私寫私換可
以永絕事卑即出仍自題名臣又以為巧偽既多並稱人士
百役不及高世私門致令公私闕之是事不舉宜選史傳學

士譜究流品者為左人即左人尚書專共校勘所貴卑姓雖
譜以晉籍及宋永初景平籍在下省者對其讎校若譜注通
籍有卑雜則條其巧謬下省所科罰帝以是留意譜籍詔御
史中丞王僧孺改定百家譜由是有令史書吏之職譜局因
此而置始晉太元中員外郎騎侍郎賈弼好簿狀大披羣族
所撰十八州百一十六郡七百一十二卷士庶畧無遺闕
其子孫代傳其業宋王弘劉湛並好其書弘日對千客不犯
一人諱湛為選曹始撰百姓譜以助銓序傷於寡略齊王儉
復加得繁省之裏僧孺為八十卷東南諸族別為一部不在
百家之數

按魏晉以來最重世族公家以此定選舉私門以此訂
婚姻寒賤之視華族如冠履之不侔則夫徭役賤事人
之所憚固宜其改實冒偽求自附流品以為避免之計

也然徭役當視物力雖世族在必免之例而官之占田有廣狹澤之蔭後有久近若於此立法以限之不勞而定矣不此之務而方欲改定譜籍雖曰選諳究流品之人為郎尚書以掌之然偽冒之久者滋多非敢於任怨者誰肯澄汰如楊佺期并韶至以耻憤構逆亂則澄汰亦豈易言哉

陳文帝天嘉初詔曰自頃編戶播遷良可哀傷其亡鄉失土逐食流移者今年內隨其適樂來歲不問僑舊悉令著籍同土斷之例

按周官之法貴者賢者及新甿之遷徙者皆復其征役後世因之故六朝議征役之法必以土斷僑寓釐正譜籍為先然自晉至梁陳且三百年貴者之澤既斬則同於編氓僑者之居既久則同於土著難以稽攷此所以

偽冒滋多而議論紛紛也

後魏初不立三長唯立宗室督護所以人多隱冒五十三家方為一戶謂之蔭附蔭附者皆無官役豪強徵斂倍於公賦孝文太和十年納給事中李冲之說遂立三長三長謂五家一隣長五隣一里長一里

當高宗

李冲以為三正理人所由來遠於是制三長之制曰宜往古五家立一鄰長五鄰立一里長五里立一黨長黨長取鄉人強謹者鄰長後一夫里長二黨長三三長三載亡愆則陟用之一等太皇覽而稱善引見公卿議之中書令鄭義秘書令高祐等曰冲求立三長者乃欲混天下為一法言似可用其實難行大尉元丕曰臣謂此法若行公私有益方今有事之日校比人戶新舊未分人心勞怨請過今秋至冬開戶餘乃遣使於事為宜冲曰人可使由之不可使知之若不因課時

百姓徒知立長校戶之勤未見均徭省賦之益心必生怨官
及課調之月令知賦稅之均既識其事又得其利因人之欲
為之易行著作郎傅恩益進曰人俗既異險易不同九品差
調為日已久一朝改法恐成擾亂太后曰立三長則課有常
在賦有常分苞蔭之戶可出僇佻之人可止何為而不可遂
立三長公私便之

北齊令人居十家為鄰比五十家為閭百家為族黨一黨之內
則有黨族一人副黨一人閭正二人鄰長十人合有十四人共
領百家而已至於城邑一坊僑舊或有千戶以上唯有里正二
人里吏二人里吏不常置隅老四人非是官府私克事力坊事
亦得取濟若論外黨便是煩多

齊文宣始立九等之戶富者稅其錢貧者役其力

隋文帝受禪頒新令立家為保保五為閭閭四為族皆有正畿

外置里正比閭正黨長比族正以相檢察

蘇威奏置五百家鄉正令理人間詞訟李德林以為本廢鄉
官判事為其里閭親識部斷不平今令鄉正專理五百家恐
為害更甚且今時吏部總選人物天下不過數百縣於六七
百萬戶內詮簡數百縣今猶不能稱才乃欲於一鄉之內選
人能理五百家者必恐難得又即要荒小縣有不至五百家
者復不可令兩縣共管一鄉勅內外羣官就東宮會議自皇
太子以下多從德林議蘇威又言廢郡德林語之云修令時
公何不論廢郡為便令出其可改乎然高頴同威之議遂置
之十年虞慶則於關東諸道巡省使還並奏云五百家鄉正
專理詞訟不便於人黨與愛憎公行貨賄乃廢之

唐令諸戶以百戶為里五里為鄉四家為隣三家為保每里設

正一人

若山谷阻險地遠人
稀之處聽隨便量置

依文

鄭真

大統通考卷十一

三

崇禎二年重刊

掌按比戶口課植農桑檢察非遲催驅賦役在邑居者為坊別
 置正一人掌坊門管鑰督察姦非並免其課役在田野者為村
 別置村正一人其村滿百家增置一人掌同坊正其村居如滿
 十家者隸入大村不須別置村正天下戶量其資產升降定為
 九等三年一造戶籍凡三本一留縣一送州一送戶部常留三
 比在州縣五比送省儀鳳二年二月勅自今以後省黃籍及州縣籍也諸里正縣司選
 勳官六品以下白丁清平驅幹者充其次為坊正若當里無人
 聽於比鄰里簡用其村正取白丁充無人處里正等並通取十
 八以上中男殘疾免充

開元十八年勅天下戶等第未平升降須實比來富商大賈多
 與官吏往還通相憑囑求居下等自後如有囑請委御史彈奏
 廣德二年勅天下戶口委刺史縣令據見在實戶量貧富等第
 科差不得依舊籍帳

睿宗景雲二年監察御史韓琬陳時諛上疏曰往年兩京及
 天下州縣學生佐史里正坊正每一員闕先擬者輒十人頃
 年差人以充猶致亡逸即知政令風化漸以敝也

宣宗大中九年詔以州縣差役不均自今每縣據人貧富及役
 輕重作差科簿送刺史檢署訖鑰於令廳毋有役事委令據簿
 輪差

周顯德五年詔諸道州府令團併鄉村大率以百戶為一團每
 團選三大戶為耆長凡民家之有姦盜者三大戶察之民田之
 有耗登者三大戶均之仍每及三載即一如是

宋太祖皇帝建隆三年舊制凡有課役皆出於戶民郡國輦運
 官物率以僑居人充至是始令文武官內諸司臺省監諸使不
 得占州縣課役戶及諸州不得役道路居民為遞夫五月詔令
 佐檢察差役有不平者許民自相糾舉京百官補吏須不礙役

乃聽

國初循舊制衙前以主官物里正戶長鄉書手以課督賦稅者長弓手壯丁以逐捕盜賊承符人力手力散從官以奔走驅使在縣曹司至押錄在州曹司至孔目官下至雜職虞候揀搯等人各以鄉戶等第差充

乾德五年又禁諸州職官私占役戶供課

太宗太平興國三年京西轉運使程能上言諸州戶供官役素無等第望品定為九等著于籍以上四等量輕重給役餘五等免之後有貧富隨所升降望令本路施行俟稍便宜即頒於天下詔令轉運使躬裁定之

七年令兩京諸州應部民有乏種及耕具人丁者許眾共推擇一人練土地之宜明種樹之法者縣補為農師令相視田畝沃瘠及五種所宜指言某處土地宜植某物某家有種某戶有丁

男某人有耕牛即令鄉三老里胥與農師周勸民分於曠土種蒔俟歲熟共取其利為農師者蠲稅外免其他役民家有嗜酒賭博者怠於農務者農師謹察之白於州縣論其罪以警游惰焉九年以其煩擾停之

淳化五年令天下諸縣以第一等戶為里正第二等戶為戶長勿得冒名以給役詔今循其制

宋朝凡衆役多以廂軍給之罕調丁男大中祥符五年提點府界段惟幾發中牟縣夫修馬監倉羣牧制置使以廐卒代焉因下詔禁之

天禧元年又詔治河勿調丁夫以役充

乾興元年十二月時仁宗元臣僚上言伏見勸課農桑曲盡條目然鄉閭之弊無由得知朝廷惠澤雖優豪勢侵陵罔暇遂使單貧小戶力役靡供乃歲豐登稍能自給或時水旱流徙無

從云籍雖有增添農民日以減少以臣愚見且以三千戶之邑
五等分等中等已上可任差遣者約千戶官真形勢衙前將吏
不啻一二百戶並免差遣州縣鄉村諸色役人又不啻一二百
戶如此則二三年內已總遍差纔得歸農即復應役直至破盡
家業方得休閒所以人戶懼見稍有田產典賣與形勢之家以
避徭役因為浮浪或縱惰游更有諸般惡倖影占門戶田土稍
多同居骨肉及衙前將吏各免戶役者除見莊業外不得更典
賣田土如違許人告官將所典賣沒官自然減農田之弊均差
遣之勞免致私役不禁因循失業其罷休罷任前資官元無出
者許置五項為限詔三司定奪三司言准農田勅應鄉村有莊
田物力者多符免差徭虛報逃移與形勢戶同請啓倖却於名
下作客戶隱庇差徭全種自己田產今與一日口首放罪限滿
不首許人告論依法斷遣支賞又非勅應以虛立契典賣

限滿不首被人告發者命官使臣除名公人百姓決配今准戶
僚奏欲諸命官所置莊田定以三十頃為限衙前將吏合免戶
役者定以十五頃為限所典買田只得於一州之內典買如祖
父遷葬別無坐地者數外許更置墳地五頃若地有崖嶺不通
步量刀耕火種之處所定頃畝委逐路轉運使別為條制詣實
申奏又按農田勅買置及析居歸業佃逃戶未併入本戶者各
共戶帖供輸今並須割入一戶下今後如有違犯者科罪告人
給賞並從之

開寶平蜀後令西川得替官部綱赴京與減一選無選可減
加一階
止齋陳氏曰熙寧中能衙前應綱運皆募得替官管押自令
下無應募者

仁宗景祐中詔川陝閩廣吳越諸路衙前仍舊制餘路寡有版籍者爲衙前滿三期罪不至徒補三司軍將

皇祐中又禁役鄉戶爲長名衙前使募人爲之

役之重者自里正鄉戶爲衙前主典府庫或輦運官物往往破產景祐中稍欲寬里正衙前之法乃命募克

知并州韓琦上疏曰州縣生民之苦無重於里正衙前兵興以來殘剝尤甚至有孀母改嫁親族分居或棄田與人以免上等或非命求死以就軍丁規圖百端苟脫溝壑之患每鄉被差踈密與貲力高下不均假有一縣甲乙二鄉甲鄉第一等戶十五戶計貲爲錢三百萬乙鄉第一等戶五戶計貲爲錢五十萬畝休遊役卽甲鄉十五年一周乙鄉五年一周富者休息有餘貧者敗亡相繼豈朝廷爲民父母之意乎請罷里正衙前命轉運司以州軍見役人數爲額令佐視五

通一縣計之籍皆在第一等選貲最高者一戶爲鄉戶衙前

後差人放此卽縣戶少而役蕃聽差乙縣戶多而役簡者

簿書未盡實聽取它戶里正主督租賦請以戶長代之二年一易下其議京畿河北河東陝西京東西轉運司度利害皆以爲便而知制誥韓絳蔡襄亦極論江南福建里正衙前之弊絳請行鄉戶五則之法襄請以產錢多少定役重輕至和中遂命絳襄與三司置司參定繼遣尚書都官員外郎吳機復趨江東殿中丞蔡稟趨江西與長吏轉運使議可否因請行五則法凡差鄉戶衙前視貲產多寡置籍分爲五則又第其役輕重放此假有第一等重役十當役十人列第一等戶百第二等重役五當役五人列第二等戶五十以備十畝役使藏其籍通判治所遇差人長吏以下同按視之轉運使提點刑獄察其違慢遂更著淮南江南兩浙荆湖福建之法

下三司頒焉自是遂罷至正衙前百姓稍休息矣

按乾興元年臣僚上言影占徭役之害自官豪勢要以至衙前將吏皆避役之人請立限田之法命官三十頃而衙前將吏亦得占十五頃餘者以違制論夫均一衙前也將吏為之則可以占田給復鄉戶為之則至於賣產破家然則非衙前之能為人禍也蓋官吏浸漁之毒可施之於愚陋之鄉戢而不可施之於諳練之將吏故也韓蔡諸公所言固為切當然不過欲驗鄉之闊狹役之疎密而均之且既曰罷里正衙前而復選賢最高者為鄉戶衙前則不過能免里正重復應役之苦而衙前之弊如故也此王荆公雇募之法所以不容不行之熙

豐歟

慶曆中令京東西河北陝西河東裁損役人即給使不足益以

兵

時范仲淹執政以謂天下縣多故役蕃而民瘠首廢河南府諸縣欲以次及他州當時以為非是未幾悉復

時州縣既廣徭役益眾知廣濟軍范諷上言軍地方四十里戶口不及一縣而差役與諸郡等願復為縣轉運司執不可因詔裁損役人自是數下詔書議蠲冗役以寬民力又置寬恤民力司遣使四出自是州縣力役多所裁損凡省二萬三千六百二十二人

皇祐中詔州縣里正押司錄事既代而今輸錢免役者論如違制律

時有王逵者為荆湖轉運使率民輸錢免役得緡錢三十萬進為羨餘蒙獎詔繇是它路競為培克欲以市恩民至破產不能償所負朝廷知其弊乃下此詔



按役錢之說始於此以免役誘民而取其錢及得錢則以給它用而役如故其弊繇來久矣

治平四年六月時神宗已即位未改元詔州縣差役仍重勞役不均其令逐路轉運司遍牒轄下州軍如官吏有知差役利害可以寬減者實封條析以聞

先是三司使韓絳言害農之弊無甚差役之法重者衙前多致破產次則州役亦須重費向聞京東有父子二丁將為衙前其父告其子云吾當求死使汝曹免凍餒遂自經而死又聞江南有嫁其祖母及與母析居以避役者此大逆人理所不忍聞又有鬻田產於官戶田歸不役之家而役併增於本等戶其餘戕賊農民未易遽數望令中外臣庶條具利害委侍從臺省官集議考驗古制裁定使役力無偏重之患則農民知為生之利有樂業之心役法之議始此

英宗時諫官司馬光言置鄉戶衙前以來民益困乏不敢營生富者反不如貧貧者不敢求富臣嘗行於村落見農民生具之微而問其故皆言不敢為也今欲多種一桑多置一牛蓄二年之糧藏十疋之息鄰里已目為富室指挾以為衙前矣况敢益田增葺閭舍乎臣聞其事怒焉傷心安有聖帝在上四方無事而立法使民不敢為久生之計乎臣愚以為凡農民租稅之外宜無所預衙前當募人為之以優重相補不足則以坊郭上戶為之彼坊郭之民部送綱運典領倉庫不費二三而農民常廢八九何則保利戇愚之性不同也其餘輕役則以農民為之

按温公此奏言之於英宗之時所謂募人充衙前即熙寧之法也然既曰募則必有以酬之此錢非出於官當役者合輸之則助役錢豈容於不徵而當時諸賢論此

事復斷斷不可何也蓋荆公新法大槩主於理財所以
內而條例司外而常平使者所用皆苛刻小人雖助役
良法亦不免以聚斂亟疾之意行之故不能無弊然遂
指其法為不可行則過矣

知諫院吳克言鄉役之中衙前為重被差之日官吏臨門籍
記杯杵七節皆計資產定為分數以應湏求至有家貲已竭
而逋負未除子孫既沒而鄰保猶逮是以民間規避重役土
地不敢多耕而避丁等骨肉不敢義聚而憚人丁無以為生
乞早定鄉役利害以時施行

帝因閱內藏庫奏有衙前越千里輸金七錢庫吏邀乞踰年
不得還者帝重傷之乃詔制置條例司講立役法

二年條例司言考合衆論悉以使民出泉雇役為便即先王之
法致民財以祿庶人在官者之意也願以條目付所遣官分行

天下博盡衆議奏可於是條諭諸路曰衙前既用重難分數凡
買撲酒稅坊場舊以酬衙前者從官自賣以其錢同役錢隨分
數給之其廂鎮場務之類舊酬獎衙前不可令民買占者即用
舊定分數為投名衙前酬獎如部水陸運及領倉驛場務公使
庫之類舊煩擾且使陪備者今當省使無負承符散從等舊苦
重役償欠者今當改法除弊使無困凡有產業物力而舊無役
者今當出泉以助役皆其條目也久之司農寺言今立役條所
寬優者皆村鄉朴蠢不能自達之窮氓所裁取者乃仕宦兼并
能致人言之豪右若經制一定則衙司縣吏又無以施誅求巧
舞之姦故新法之行尤所不便築室道謀難以成就欲自司農
申明所降條約先自一兩州為始候其成就即令諸州軍放視
施行若其法實便百姓當特獎之從之於是提點府界公事趙
子幾以其府界所行條目奏上之帝下之司農寺詔判寺鄧綰

曾布更議之縮布上言畿內鄉戶計產業若家資之貧富上下
分爲五等歲以夏秋隨等輸錢鄉戶自四等坊郭自六等以下
勿輸兩縣有產業者上等各隨縣中等併一縣輸析居者隨所
析而定降其等若官戶女戶寺觀未成丁減半輸皆用其錢募
二等以上稅戶代役隨役重輕制祿開封縣戶二萬二千六百
有奇歲輸錢萬二千九百緡以萬二百爲祿贏其二千七百以
備凶荒欠闕他縣倣此然輸錢計等高下而戶等著籍昔緣巧
避失實乃詔責郡縣坊郭三年鄉村五年農隙集衆稽其物業
考其貧富察其詐僞爲之升降若故爲高下者以違制論募法
三人相任衙前仍供物產爲抵弓手試武藝典吏試書計以三
年或二年乃更爲法旣具揭示一月民無異辭著爲令令下募
者執役被差者得散去開封一府罷衙前八百三十人畿縣放
鄉役數千於是頒其法天下天下土俗不同役重輕不一民貧

富不等從所便爲法凡當役人戶以等第出錢名免役錢其坊
郭等第戶及成丁單丁女戶寺觀品官之家舊無色役而出錢
者名助役錢凡敷錢先眎州若縣應用雇直多少而隨戶等均
取雇直旣已足用又率其數增取二分以備水旱欠闕雖增毋
得過二分謂之免役寬剩錢

四年上召二府對資政殿馮京言修差役作保甲人極勞弊
上曰詢訪鄰近百姓亦皆以免役爲喜蓋雖令出錢而復其
身役無追呼刑責之虞乃自情願故也文彥博言祖宗法制
具在不湏更張以失人心上曰更張法制於士大夫誠多不
說然於百姓何所不便彥博曰爲與士大夫治天下非與百
姓治天下也

按潞公此論失之蓋介甫之行新法其意勇於任怨而
不爲毀譽所動然役法之行坊郭品官之家盡令輸錢

坊場酒稅之入盡歸助役故士夫豪右不能無怨而實則農民之利此神宗所以有於百姓何所不便之說而潞公此語與東坡所謂凋弊大甚厨傳蕭然云者皆介甫所指以爲流俗干譽不足恤者是豈足以繩其偏而救其弊乎

四月從提舉常平陳知儉之請罷許州衙前幹公使庫以軍校主之月給食錢三千物諸路衙前以公使多所倍費有至破家者至是始更以軍校其後行於諸路人皆便之

御史中丞楊繪言非不知助役之法乃陛下閱差役之不均欲平一之而有司率務多歛致天下不曉以爲取贏而它用之也如王庭老張靚科配一路緡錢至七十萬輸之多者一戶至三百千民皆謂供一歲役之外剩數錢半歲謂庭老靚必有陞擢此蓋因取數多謗議興也乞少賜裁損以安民

東明縣民數百詣開封府及臺省訴超升等第出役錢事楊繪又言東明縣民所訴乃因司農寺不因舊則自據戶數創立助役錢等第下縣令遵所立而著之籍不問堪升與否也凡立等第必稽戶力高下而制其升降州必憑縣縣必憑戶長里正戶長里正稽之鄉衆乃可得實今乃自司農寺預定品數付縣立簿豈得民心甘服哉帝命提點司究所從升降以聞仍嚴升降之法司農寺及府界提舉言畿民有未知新立法意以助役錢多願仍舊充役者詔如不願輸錢免役縣案所當供役歲月如期役之與免輸錢王安石爲言外間扇搖役法者謂輸錢多必有贏餘若羣訴必可免役既聚衆僥倖苟受其訴與免輸錢當仍役之帝從其說

監察御史劉摯陳十害其要曰上戶常少中下戶常多故舊法上戶之役類皆數且重下戶之役率常簡而輕今不問上

下戶槩眎物力以差出錢故上戶以爲幸而下戶苦之優富
苦貧非法之善況歲有豐凶而役人有定數助錢歲不可闕
則是賦稅有時減闕而助錢更無蠲損也役人必用鄉戶爲
其有常產則自重今既招雇恐止得浮浪姦僞之人則帑廩
場務綱運不惟不能典幹竊恐不勝其盜用而冒法者衆至
於弓手者壯承符散從手力胥史之類恐遇寇則有縱逸因
事輒爲騷擾也司農新法衙前不差鄉戶其舊嘗願爲長名
者聽仍其舊却用官自名賣酒稅坊場并州縣坊郭人戶助
役錢數酬其重難惟此一法有若可行然坊郭十等戶緩急
科率郡縣賴之難更使之均助錢乞詔有司若坊場錢可足
衙前雇直則詳究條目徐行而觀之

御史中丞楊繪言助役之利一而難行有五請先言其利假
如民田有一家而百頃者亦有戶纔三頃者其等乃俱在弟
一以百頃而較三頃則已三十倍矣而受役月日均齊無異
况如官戶則除耆長外皆應無役今例使均出雇錢則百頃
所輸必三十倍於三頃者而又永無決射之訟此其利也然
難行之說亦有五民惟種田而責其輸錢錢非田之所出一
也近邊州軍應募者非土著姦細難防二也逐處田稅多少
不同三也耆長雇人則盜賊難止四也專典雇人則失陷官
物五也乞先議防此五害然後著爲定制仍先戒農寺無欲
速就以祈恩賞提舉司無得多取於民以自爲功如此則誰
復安議

同判司農寺曾布撰繪等所言而條奏辨詰之其畧曰畿內
上等戶盡罷昔日衙前之役故今所輸錢比舊受役時其費
十減四五中等人戶舊充弓手力承符戶長之類今使上
等及坊郭寺觀單丁官戶皆出錢以助之故其費十減六七

下等人戶盡除前日冗役而專充壯丁且不輸一錢故其費
十減八九大抵上戶所減之費少下戶所減之費多言者謂
優上戶而虐下戶得聚歛之謗臣所未諭也提舉司以諸縣
等第不實故首立品量陞降之法開封府司農寺方奏議時
蓋不知已嘗增減舊數然舊數每三年一造簿書等第常有
升降則今品量增減亦未為非又况方曉諭民戶苟有未便
皆與釐正則凡所增減實未嘗行言者則以謂品量立等者
蓋欲多歛產錢陞補上等以足配錢之數至於祥符等縣以
上等人戶數多減充下等乃獨掩而不言此臣所未諭也凡
州縣之役無不可募人之理今投名衙前半天下未嘗不典
主倉庫場務綱運而承符力之類舊法皆許雇人行之久
矣惟者長壯下以今所措置最為輕役故但輸差籍戶不復
募人言者則以為專雇人則失陷官物者長雇人則盜賊

難止又以謂近邊姦細之人應募則焚燒倉庫或守把城門
則恐潛通外境此臣所未諭也免役或輸見錢或納斛斗皆
從民便為法至此亦已周矣言者則謂直使輸錢則絲帛粟
麥必賤若用它物準直為錢則又退棟乞索且為民害如此
則當如何而可此臣所未諭也昔之徭役皆百姓所為雖凶
荒飢饉未嘗罷役今役錢必欲稍有餘羨迺所以為凶年蠲
減之備其餘又專以興田利增吏祿言者則以謂助錢非如
稅賦有倚閣減放之期臣不知昔之衙前弓手承符手力之
類亦嘗倚閣減放否此臣所未諭也兩浙一路戶一百四十
餘萬所輸緡錢七十萬耳而畿內戶十六萬率緡錢亦十六
萬是兩浙所輸財半畿內然畿內用以募役所餘亦自無幾
言者則以謂吏緣法意廣收大計如兩浙欲以羨錢徼幸司
農欲以出剩為功此臣所未諭也於是詔繪知鄭州摯落館

閣校勘監察御史裏行監衡州鹽倉遣察訪使遍行諸路促程投書

司農言始議出錢助民執役今悉召募請改助役為免役制可若不願就募而強之者論如律

詔監司各定所部助役錢數利路轉運使李瑜欲定四十萬判官鮮于侁曰利路民貧二十萬足矣議既不合各為奏上帝是侁議侍御史鄧綰言利路役歲須緡錢九萬餘而李瑜率取至三十三萬有奇乃詔責瑜而擢侁為副使以示諸路頒募役法於天下內外胥吏素不賦祿惟以受賕為生至是用免役錢祿之有祿而賦者用倉法重其坐初時京師賦吏祿歲僅四千緡至八年計緡錢三十八萬有奇京師吏舊有祿及外路吏祿尚在數外

又詔凡縣皆以免役剩錢用常平法給散收息添支吏人餐

錢仍立為法

五年權江西提刑提舉金君卿首遵詔書募受代官部錢帛綱趨京不差鄉戶衙前而費十減五六賜詔獎諭仍落權為真

先時召募人押錢帛綱入京每一萬貫支陪綱錢五百貫足詢問曾押綱鄉戶衙前之家皆不願行乃選得替官員使臣人員管押相度每紬絹萬匹正支錢一百緡足錢萬貫支錢七十貫足並不差鄉戶衙前故有此詔

王安石白上曰此事諸路皆可行但令監司加意許令指占好舟差壯力兵士及時遣則替罷官人人爭應募矣

七年詔役錢每千別納頭子五錢凡修官舍作什器夫力輦載之類皆許取以供費若尚不給用許以情輕贖銅錢足之先是凡公家之費有數于民間者謂之圓融多寡之數或出臨時汚吏乘之以為姦習弊滋久至是詔輒圓融者以違制

論不以去官赦原

詔聞定州民有拆賣屋木以納免役錢者令安撫轉運提舉司體量其實以聞

王安石白上言百姓賣屋納役錢臣不能保其無此然論事有權須考問從前差役賣屋陪填與今賣屋納役孰多孰少卽於役法利害灼然可見

詔崇奉聖祖及祖宗陵寢神御寺院官觀免納役錢諸旌表門閭有勅書及前代帝王子孫於法有蔭者所出役錢依官戶法賜號處士非因技授者准此

五月詔諸路公人如弓箭手法給田募人爲之凡逃絕監牧之田籍於轉運司者不許射買請佃以其田給應募者而覈其所直準一年雇役爲錢幾何而歸其直於轉運司衢州西安縣用緡錢十二萬買田始足募一縣之役司農寺請行之諸路詔自

今川寬剩錢買募役田須先參會餘錢可以杖梧災傷方許給買若田價翔貴之地則止之 八月詔罷給田募役法已就募人如舊闕者勿補

七月參知政事呂惠卿獻議曰免役出錢或未均出於簿法之不善按戶令手實者令人戶具其丁口田宅之實也嘉祐敕造簿委令佐責戶長三大戶錄人戶丁口稅產物力爲五等且田野居民耆戶長豈能盡知其貧富之詳旣不令自供手實則無隱匿之責安肯自陳又無賞典孰肯糾抉以此舊簿不可信用謂宜做手實之意使人戶自占家業如有欺匿卽用隱寄產業賞告之法庶得其實於是遂行手實法其法官爲定立田產中價使民各以田畝多少高下隨價自占仍并屋宅分有無蕃息以立之等凡居錢五當蕃息之錢一非用器田穀而輒隱落者許告有實三分以一充賞將造簿預具式示民令依式爲狀縣

受而籍之以其價列定高下分爲五等既該見一縣之民物產物數乃參會通縣役錢本額而定所當輸明書其數衆示兩月使悉知之從之

察訪京南常平事蒲宗孟言近制民以手實上其家之物產而官爲注籍以正百年無用不明之板圖而均齊其力役此天下之良法也然縣災傷五分以上則留埃豐歲以臣觀之使民自供手實無所擾也何待於豐穰哉願詔有司不以豐凶弛張其法從之十月詔聞東南推行手實簿法公私煩擾其權罷委司農寺再訂定以聞

初呂惠卿創行手實法言者多論其長告訐增煩擾不便至是惠卿罷政御史中丞鄧綰言役法初行且用丁產戶籍故諸路患其不均各已改造其均錢之法田頃可用者視田頃稅數可用者視稅數已得家業貫伯者視家業貫伯或隨所

丁產石或附所收租課法雖不同大約已定而民樂輸矣安用別挾搜索互相糾生使不安其生耶凡民所以養生之具日用而家有之今欲盡數供析出錢則本用供家不專於租賃營利欲指爲供家之物則有時餘羨不免須貿易與人則家家有告訐之憂人人有隱落之罪無所措手足矣夫行商坐賈通貨殖財四民之一也其有無交易不過服食器用粟米財蓄絲麻布帛之類或春有之而夏已折閱或秋居之而冬已散亡則公家簿書如何拘轄隱落之罪安得而不犯徒使露訟者趨賞報怨而公相告訐畏怯者守死忍餓而不敢爲生其爲未善可知矣故降是詔

司農寺乞廢戶長坊正其州縣坊郭擇相鄰戶三二十家排比成甲迭爲甲頭督輸稅賦苗役一稅一替若催科外別令追呼者以違制論從之明年詔問罷耆戶長壯丁之法何人建議及

以此議奏皇帝曰已今出錢免役又排甲使爲保丁責之催科失信於民又保正木令習兵何可更共二役安石曰保丁戶長皆百姓爲之今罷差戶長使爲保丁數年或十年方催一稅其在役不過二十餘家於人情無所苦周官什伍其民有軍旅有田役若謂保丁止供教閱不知餘事屬何人也其後諸路皆言甲頭催稅未便遂詔着戶長壯丁仍舊募充其保正甲頭承帖法並罷

詔官戶輸役錢免其半所免雖多各無過二十千兩縣以上有物業者通計之兩州兩縣有物業一庄者隨所輸錢等第不及者并多處以司農寺言戶減免錢數及民戶兩處有物業者出錢不一故也

九年荆湖路察訪蒲宗孟言兩路元敷役錢太重以一歲較其出而寬剩數多詔權減二年

十月詔目今寬剩役錢及買撲坊場錢更不以給役人歲取數上之司農餘物凡籍之常平者常留一半

侍御史周尹言諸路募役錢元指揮於數外司寬剩錢聞諸州縣希提舉司風指廣敷民錢至咸者而民間輸數一切如舊寬剩數已倍多而募重太輕官重役人多不願就募天下皆謂朝廷設法聚斂不無疑然遵免役本法募者長戶長及役人不可過減者悉從舊額但約募錢足用其實剩止存留二分以上不得更有敷取三司使沈括亦言立法之意本欲與民均財惜力後重者不可不助無役者不可不使之助金重役不過衙前者戶長散從官之類衙前即坊場河渡錢自可足用其餘取於坊郭官戶女戶軍丁寺觀之類足以賦祿出錢之戶不多則州縣易於督歛重輕相補民力均詔司農寺相度以聞

知彭州呂陶奏朝廷欲寬力役立法召募初無過歛民財之意有司奉行過當增添科出謂之寬剩自熙寧六年施行律法至今四年臣本州四縣已有寬剩錢四萬八千七百餘貫今歲又須科納一萬餘貫以成都一路計之無慮五六十萬推之天下見公約有六七百萬貫文寬剩在官歲歲如此泉幣絕乏貨法不通商旅農夫最受其弊臣恐朝廷不知免役錢外有此寬剩數目乞令諸路提舉倉司契勘見在寬剩錢數約度支得幾歲不至缺乏需發德音特與免數年或乞逐年限定數目不得過役錢十分之一所貴民不重困不報是歲諸路上司農事歲收免役錢一千四十一萬四千五百五十三貫石匹兩金銀錢斛匹帛一千四十一萬四千三百五十二貫石匹兩絲綿二百一兩支金銀錢斛六百四十八萬七千六百八十八兩貫石匹應在銀錢斛匹帛二百六十九萬二千

二十貫匹石兩見在八十七萬九千二百六十七貫石匹兩役錢之初立額兩浙之東多以田稅錢數為則浙西多用物力至是詔令通物力稅錢互細為數從便輸納初許兩浙坊郭戶家產不及二百千鄉材戶不及五十千毋輸役錢已而鄉戶不及五十千者亦不免輸元豐七年天下免役緡錢歲計一千八百七十二萬九千三百場務錢五百五萬九千九百九十七萬六千六百五十七役錢較熙寧所入多三之一帝之力主免役也知民間通苦差役而衙役之任重行遠者尤甚特勅免法雖均敷徒有不能不取之民然民得一意田畝實解前日困弊故羣議雜起意不為憂顧其間采王安石策不正用產真為額而展敷二分以備吏祿水暑之用羣臣每以為言屢加疑詰而安石持之益堅此其為法既不究終防弊又有聚斂小人乘此增取帝雖數詔禁



戒而不能盡止至是雇役不加多而歲入比前增廣則安石不能將順德意其流弊已見矣

八年哲宗已八月戶部言役錢所留寬剩內有及三四分已上

去處合行裁減所令留寬剩不得過二分餘並減其元不及二

分處依舊從之 又詔體量人戶役錢輕重先從下等減放

又詔舊以保正代耆長催稅申頭代戶長承帖人代壯丁並罷

如元充保正戶長保丁願不妨本保應募者聽

知吉州安福縣上官公穎奏臣切怪耆壯戶長法之始行也

皆出於雇及其既乂也耆壯之役則歸於保甲之正長戶長

之役則歸於催稅甲頭往日所募之錢係承帖司及刑法司

人吏許用而其餘一切封椿若以為耆壯戶長誠可以廢罷

即所用之錢耆當百姓均成元額今則錢不為之減又使保

正長為耆壯之事催稅甲頭任戶長之責是何異使民出錢

而免役而又使之執役

按以保正代耆長等役熙寧間已嘗行之繼而以人言

不便罷之矣今觀此則是罷而復行也蓋熙寧之徵免

役錢也非專為供鄉戶募人充役之用而已官府之需

用吏胥之廩給皆出於此及其乂也則官吏可以破用

而役人未嘗支給是假免役之名以取之而復它作名

色以役之也為法之弊一至此哉

侍御史劉摯言州縣上戶常少中下戶常多自助役法行以

來簿籍不改務欲敷配錢數故所在臨時肆意陞補下戶入

中中戶入上今天下徃徃中上戶多而下戶少富縣大鄉上

戶所納役錢歲有至數百緡或千緡者每歲輸納無已至貧

竭而後有裁減之期舊來鄉縣差役循環相代止等大役至

速亦十餘年而一及之若不役則動須三二年乃復一差雖

耳行 片集
文獻通考卷之十三
右勞費比今日歲被重斂之害孰為多少也

文獻通考卷之十三

宋鄱陽 馬端臨 貴與 著
明鄆陽 馮天馥 應秀 校刊

元祐元年二月門下侍郎司馬光言按因差役破產者惟鄉戶衙前有之自餘散從承符弓手手力耆戶長壯丁未聞有破產者也其鄉戶衙前所以破產者蓋由山野愚戇之人不能幹事或因水火損破官物或為上下侵欺乞取是致欠折備償不足有破產者至於長名衙前在公精熟每經重難別得優輕場務酬獎往往致富何破產之有又向者役人皆上等戶為之其下等單丁女戶及品官僧道本來無役今更使之一槩輸錢則是賦斂愈重也故自行免役法來富者差得自寬而窮者困窮日甚又監司守令之不仁於雇役人之外多取羨餘以希恩賞此農民之所以重困也臣愚以為莫若直降命勅應天下免役錢

一切並罷其諸役人並依熙寧以前舊法人數委本縣令佐親自揭三等丁產簿定差所差之人若正身自願充役者即令人役不願充役者任便選雇有行止人自代其雇錢多少私下商量若所雇人逃亡即勒正身別雇若將帶官物勒正身陪填如此則諸色公人盡得其根祇行止之人少敢作過官中百事無不修舉其見雇役人候差到新役人各放逐便如衙前一役雖號重難近來條貫頗為優假諸公庫設厨酒庫茶酒司並差將校勾當諸上京綱運召得替官員或差使臣殿侍軍將管押其雜色及畸零之物差將校或節級管押衙前若無差遣不聞更有破產之人若今日差充衙前料民間陪備亦少於向日若猶以衙前為力難獨任即乞依舊於官戶僧道寺觀單丁女戶有屋業每月掠錢及十五貫具莊田中年所收斛斗及百石以上者隨貧富等第出助役錢不及此數者與免放其助役錢今遂州

椿管約本州衙前重難分數即行支給然尚慮天下役人利害逐處不同乞指揮下諸州轉運司下諸州縣限五日內具利害申本州州限一月申轉運司本司類聚限一季奏聞委執政官參詳施行

是日三省樞密院同進呈得旨依初光上奏左僕射蔡確言此大事當與樞密院共之故同進呈知樞密院章惇取光所奏凡疎畧未盡者枚數而駁奏之尚書左丞呂公著言光所建明大意已善其間不無疎畧未備惇所言專欲求勝不顧朝廷大體乞選差近臣三四人專切詳定聞奏從之始司馬光奏乞復行差役舊法既得旨依奏知開封府蔡京即用五日限令開封祥符兩縣如舊役人數差一千餘人克役亟詣東府白光喜曰使人人如待制何患法之不行議者謂京但希望風旨苟欲媚光非事實也 蘇轍言京明知熙寧以

前舊法役人數目顯有冗長並不依近降指揮相度申請便
盡數差撥及朝旨本無日限輒敢差人監勒於數日內蹙迫
了當故意擾民以害成法乞賜行遣以示懲戒

監察御史王巖叟言請復差鄉戶主管天下官物公家則免
侵陷在私亦脫刑禍宜獨可於衙前大役立本等相助法以
盡變通之利借如一邑之中常應大役者百家而歲取十人
則九十家出力爲助明年易十戶復如之則大役無偏重之
弊矣其於百色無言之差占一切非理之資陪悉用熙寧新
法禁之雖不助猶可爲今所謂助者不過助受役之家歲用
而已無厚歛也中書舍人蘇軾言先帝初行役法取寬剩錢
不得過二分以備災傷而有司奉行過當通計天下乃十四
五然行之幾十六七年常積而不用至三千餘萬貫石先帝
聖意固自有在今日所當追探其意以興萬世無窮之利熙

寧中嘗行給田募役法其法以係官田如退灘戶絕沒納之
類及用寬剩錢買民田以募役人大略如邊郡弓箭手臣知
密州親行其法先募弓手民甚便之曾未半年此法復罷蓋
大臣利於速成且利寬剩錢以爲他用故不果行因列其五
利詔並送詳定所

右司諫蘇轍言復行差役其應議者有五其一曰舊差鄉戶
爲衙前破散人家甚如兵火自新法行天下不復知有衙前
之患然而天下反以爲苦者其弊自是農家歲出役錢爲難
及許人添剗見賣坊場遂有輸納不給者耳向使止用官賣
坊場一色課入以雇衙前自可足辦而它色役人止如舊法
則爲利較然矣初疑衙前多是浮浪投雇不如鄉差稅戶可
託然行之十餘年投雇者亦無大敗闕不足以易鄉差衙前
之害今略計天下坊場錢一歲可得四百二十餘萬若立定

中價不許添剗三分減乙尚有二百八十餘萬貫而衙前支
費及召募非泛綱運一歲共不過一百五十餘萬緡則是坊
場之直自可了辦衙前百費何用更差鄉戶今制盡復差役
知衙前苦無陪備故以鄉戶爲之至於坊場元無明降處分
不知官自賣耶抑仍用以酬獎衙前也若仍用以酬獎卽召
募部綱以何錢應用若不與之錢卽舊名重難鄉戶衙前仍
前自備爲害不小其二坊郭人戶舊苦科配新法令與鄉戶
並出役錢而免科配其法甚便但敷錢太重未爲經久之法
乞取坊郭官戶寺觀單丁女戶酌今役錢減定中數與坊場
錢用以支雇衙前及召募非泛綱運外令椿備募雇諸色役
人之用其三乞用見今在役人數定差熙寧未減定前其數
實冗長不可遵用其四熙寧以前散從弓手手力諸役人常
苦逆送自新法以來官吏皆請雇錢役人旣便官亦不至闕

事乞仍用雇法其五州縣胥吏並量支雇錢募充仍罷重法
亦許以坊場錢爲用不足用方差鄉戶所出雇錢不得過官
雇本數詔送看詳役法所詳定役法所以役法難盡猝就擇
其要者先奏以行於是役人悉用見數爲額惟衙前一役用
坊場河渡錢雇募雇募不足方許揭簿定差其餘役人惟該
募者得募餘悉定差遂罷官戶寺觀單丁女戶出助役法其
今夏役錢卽免輸尋以衙前不皆有雇直遂改雇募爲招募
凡熙寧嘗立法禁以衙前及役人非理役使及令倍備圓融
之類悉申行之嘗壯依保正長法坊場河渡錢量添酒錢之
類名色不一惟於法許用者仍以支用外並椿備招募衙前
支酬重難及應緣役事之用如州錢不供用許移別州錢用
之一路不足許從戶部通他路移用其或有餘毋得妄用其
或不足毋得減募增差衙前最爲重役若已招募足額上一

等戶有虛閑不差者令供次等色役鄉差役人在職官如敢
抑令別雇承符散從承代其役者轉運司劾奏重責時提舉
常平司已罷置凡役事改隸提刑司

九月詔諸路坊郭五等已上及單下女戶官戶寺觀第三等以
上舊輸免役錢者並減五分餘戶下此悉免之輸仍自元祐二
年始凡支酬衙前重難及綱運公阜運送餐錢用坊場河渡錢
給賦不足方得取此六色錢助用而有餘封椿以備不時之須
七年尚書省言近者參行差募之法開州縣奉詔不謹以致差
徭輕重失當或役人有所陪備或占留役錢不盡雇募詔運使
提刑司申飭使之究心如更不虔劾奏以聞

二月詔應差諸縣手力如合一鄉休役者不及二年者得用助
役錢募人為之既終一役別有閑及三年者復行差法

御史中丞蘇轍言臣近奏乞修完弊政以塞異同之議其一

謂諸州衙前臣請先論今昔差雇衙前利害之實蓋定差鄉
戶人有家業欺詐逃亡之弊比之雇募浮浪其勢必少此則
差衙前之利也然而每差鄉戶必有避免糾決比至差定州
縣曹吏乞取不貲及被差使先入重難若使雇募慣熟之人
費用一分則鄉差生疎之人非二三分不了由此破蕩家產
嘉祐以前衙前之苦民極畏之此則差衙前之害也若雇募
情願自非慣熟必不肯投州縣吏人知其熟事乞取自少及
至勾當動知空便費亦有常雖經重難自無破產之患此則
雇衙前之利也然浮浪之人家產單薄侵盜之弊必甚於鄉
差熙寧以來多患於此此則雇衙前之弊也然則差衙前之
弊害在私家而雇衙前之弊害在官府若差法必行則私家
之害無法可救若雇法必用則官府之弊有法可止何者嘉
祐以前長名衙前除差三大戶外許免其餘色役今若許雇

取行 卷之十三 五 吳謹五十七

募衙前依昔日長名免役之法則上等人戶誰不願投諸州衙前例得實戶則所謂官府之害坐而自除臣竊謂雖三代聖人其法不能無弊是以易貢為助易助為徹要以因時施宜無害於民而已今差法行於祖宗雇法行於先帝取其便於民者而用之此三代變法之比也

役次之名 衙前 散從 承符 弓手戶 耆戶長 壯丁 熙寧雇役所取之錢 坊場 當役戶 坊郭戶 官戶 女戶 單丁 寺觀

內坊場係官錢當役戶以下係取之於民謂之六色錢取民間六色之錢益以係官坊場錢充雇役之用而盡蠲衙前以下諸役熙寧之法也以坊場充衙前雇役之用而承符以下諸役仍復輸差民戶而盡蠲六色之錢元祐之法也然元祐復差役之初議者不同故有

許募會充有勞效者旨揮則所謂雇役者不特衙前而已也六色錢雖曰罷徵繼而詔諸路坊郭五等以上及單丁女戶官戶自三等以上准輸免役錢並減五分餘戶下此悉免之則所謂雇役之錢元未嘗盡除也自是諸賢於差雇之議各有所主而朝廷亦兼行之然熙寧盡除差法明立雇議而當時無狀官吏尚且指免役之錢而不盡支給假他役之名而重複科差况元祐差雇兼行議論反復則此免役六色之錢其在官者不肯盡指以予民其在民者有時復徵以入官固其勢也穎濱所謂所在役錢寬剩一二年必未至闕用從今放免理在不疑東坡所謂六色錢以免役取當於雇役乎盡之然後名正而人服皆至當之論

紹聖元年帝始親政三省言役法尚未就緒帝曰第行元豐舊

法 紹聖元年 三省言 役法 尚未就緒 帝曰 第行 元豐 舊法

法而減去寬剩錢百姓有何不便耶

右司諫朱勃言輸錢免役固有過數多敷者用錢雇役有立直大重者役色之內又有優便而願自投募不必給雇者苟詳為裁省則人情無有不便詔付戶部詳議

詔復免役法凡條約悉用元豐八年見制鄉差役人有應募者可以更代即罷遣之許借坊場河渡及封椿錢以為雇須有役錢日補足其數所輸免役錢自今年七月始耆戶長壯丁召雇不得以保正保長保丁充代其他役色應雇者於此所敷寬剩錢不過一分昔常過數今應減下者先自下五等人戶始復置提舉官

九月用戶部言舉行元豐條制以保正長代耆長甲頭代戶長承帖人代壯丁

其後又詔諸縣無得以催稅比磨追甲頭保長無得以雜事

追保正副在任官以承帖為名占破當直者坐贓論所管催督租賦州縣官輒令陪備輸物者以違制論

左正言孫諤言役法之行在官之數元豐多元祐省雖省未嘗廢事也則多不若省雇役之直元豐重元祐輕雖輕未嘗不應募也則重不若輕戶部尚書蔡京言詳諤所論多省輕重明有抑揚是謂元豐不如元祐乞行貶黜諤坐黜知廣德軍

徽宗建中靖國元年四月戶部奏京西北路鄉書手雜職斗子所繇庫秤揀拍之類土人願就募不須給之雇直它路亦須詳度施行詔從之

崇寧元年尚書省言民戶既輸錢免役豈可復差前嘗令大保長催稅而不給雇直是為差役非免役也詔提舉司以元輸雇錢如舊法均給

二年臣僚言常平之息歲取二分則五年有一倍之數免役剩錢歲取一分則十年有一年之備故紹聖立法常平息及一倍免役寬剩及三料取旨蠲減以明朝廷取於民者非爲利也乞詔常平司候豐衍日具此制奏而蠲之

四年臣僚言州縣戶簿等累經改造故增減失實乞委常平官分行所部不以等第而以田稅多寡均敷役錢戶部尚書許幾言州縣戶衆而役少則敷錢止於第三等或戶少而役多則均及四五等今若不計家業稅錢不用等第槩以田畝均敷役錢則失輸錢代役之意其議遂格

宣和元年臣僚言役錢一事神宗首防官戶免多時責半輸今比戶稱官州縣募役之類旣不可減顧令官戶所減之數均入下戶下戶於常賦之外又代官戶減半之輸豈不重困詔非泛補官者輸賦差科免役並不得視官戶法減免已免者改之進

納人白如本法

高宗建炎元年臣僚言官戶役錢舊法比民戶減半今來詔置弓手以禦暴防患官戶所賴猶重欲令官戶役錢更不減而民戶比舊役量增三分專椿管以助養給從之

官舊給庸錢以募戶長及立保甲則椿庸錢以助給費未幾廢保甲復戶長而庸錢不復給遂拘入總制策名焉

臣僚言州縣保正副未嘗肯請雇錢并典吏雇錢亦不曾給乞行拘收戶部看詳州縣典吏雇錢若不支給切恐無以責其廉謹難以施行外其鄉村耆戶長依法係保正長輪差所請雇錢往往不行支給委是合行拘收乞下諸路常平司將紹興五年分州縣所支雇錢依經制錢例分季發付行在敢隱匿侵用並依擅支上供錢法從之

按役錢之在官者以供它用而雇役之直或給或否中

載役

文獻通考卷三十三

崇禎三年重刊

與以前已如此矣但尚未曾明立一說盡取之耳今乃謂保正副未嘗肯請雇錢又謂所請雇錢往往不行支給夫當役者豈有不肯請雇錢之理而不行支給則州縣之過朝廷所當覺察禁治使不失立法之初意可也今乃以此之故而拘入經制之窠名所謂舍曰欲之而必為之辭也

四年罷催稅戶長依熙豐法以村疇三十口每料輸差甲頭一名催納租稅免役等分物

既而言者謂甲頭不便者有五一小戶丁小催科不辦二舊每都保正長才四人今甲頭凡三十一人破產者必眾三夏耕秋收一都之內廢農業者凡六十人則通一路有萬萬人不容力穡四甲頭皆耕夫既不識官府且不能與形勢豪戶爭立所差既多爭訴必倍於是甲頭不復差而耆戶長役錢

因不復給

保正副 十大保為一都保二百五十家內通選才勇物力最高二人充應

主一都盜賊煙火之事 大保長一年替 保正小保長二年替

戶長 催一都人戶夏秋二稅 大保長願兼戶長者輪催納稅租一稅一替欠數者後料人催 以上係中興以後差役之法 已充役者謂之批朱 未曾充役者謂之白脚

孝宗隆興二年詔諸充保正副依條只今管煙火盜賊外並不
得泛有科擾差使如違許令越訴知縣重行黜責守倅各坐失
覺察之罪

以言者謂近來州縣違法保內事無巨細一一責辦至於承
受文引催納稅役抱佃寬剩修葺鋪驛置買軍器科賣食鹽

追攝陪備無所不至一經執役家業隨破故有是命

乾道三年三省言役法之害下三等尤甚官戶既有限田往往假名寄產不若一切勿拘限法只選物力高強官戶與民戶通差則役戶頓增下戶必無偏差之害乞此後官戶合雇人代役詔依令兩浙先次遵行

寧宗慶元五年右諫議大夫張奎言乞行下州縣保正止許幹當本都賊盜闖毆煙火公事不許非泛科配戶長止許專一拘催都內土著租稅不許抑勒代納逃絕官物違者官吏重罰從之

又臣僚言戶長催納苗稅內有逃絕之家戶籍如故見存之戶恃頑拖欠爲戶長者迫於期限不免與之填納雖或經官陳訴而乃視爲私債不與追理勢單力窮必至破蕩此戶長之所以重困也乞行下州縣如有恃頑拖欠之戶卽與嚴行

追斷仍勒還代輸之錢庶使充役者不致重困破家從之

嘉定二年殿中侍御史徐範言民貲之重者俾充里正彼多產之家其輸役錢於官亦多旣已征其財而又俾之執二年之役是爲重複乞參酌祖宗常平免役之本意行下州縣姑於役人從役之年蠲其免役之輸役滿輸錢如故從之

役起於物力物力有陞降陞降不殺則役法公是以紹興以來講究推割推排之制最詳應人戶典賣產業推割稅賦卽與物力一併推割至於推排則因其貲產之進退與之陞降三歲一行固有貲產百倍於前科役不增於今者其如貧乏下戶貲產旣竭物力猶存朝夕經營而應酬之不給者非推排不可也然當時推排之弊或以小民粗有米粟僅存屋宇凡耕耨刀斧之器雞豚犬彘之蓄纖微細瑣皆得而籍之吏視其賂之多寡以爲物力之低昂又有計田家口食之餘盡

取役
載之物力者上之人憂之於是又爲之限制除質庫房廊停
場店鋪租牛賃船等外不得以猪羊雜色估紐其貧民求趨
衣食不爲浮財後耕牛租牛亦與蠲免若夫江之東西以田
地畝頭計稅亦有不待推排者惟受產之家有司詳於稅契
而畧於割稅倘爲之令曰交
易固以稅契爲先後亦以割稅爲得業雖已稅契而不割稅
許出產人告以業還見納稅人則人孰有不割稅者乎此亦
所以救役也保正長之立也五家相比五五爲保十大保爲都
保有保長有都副保正餘及三保亦置長五大保亦置都保
正其不及三保五大保者或爲之附庸或爲之均并不一也
其人戶物力如買撲坊場別無產業卽以本坊物力就坊充
役如有田產物力卽併就一多處充役其有物力散在鄰鄉
者併歸煙爨處又有散在別縣數鄉者各隨縣分併歸一里
爲等第若夫役次之歇倍則紹興十四年臣僚奏請以其物
力增及半倍者歇役十年增及一倍者歇役八年增及二倍

歇役四年皆理爲白脚必差徧上三等戶方許於得替人輪
差其窄都不及歇役年限去處卽從遞年體例遞差十六年
兩浙漕臣耿秉申明又以一倍歇役十年二倍歇役八年三
倍歇役六年庶幾疎數得中 慶元元年徐誼盡破秉之說
專用 淳熙十四年臣僚之議而議者又謂物力有高下之
殊鄉都有寬狹之異其折倍之法可以爲寬鄉之便適以貽
狹鄉之害可利寬鄉之中戶適以困狹鄉多產之家如以寬
鄉言之自物力五百貫而上積至二千貫者則三倍五百貫
之家矣其在富室雖使之四年一役亦未爲過若狹鄉自物
力一百貫而上積至於四百貫亦謂之三倍所謂四百貫之
戶曾不及寬鄉之中產今亦使之四年一役其利害輕重灼
然矣於是從耿秉之議務要寬鄉狹鄉各得其便其析生白
脚則 慶元五年臣僚奏謂若兄弟共有田二三百畝纔已

分析便令各戶充役則前役未蘇而後役踵至實為中產之害須以其分後物力參之其在二等以上者合作析生白脚充應役次若在三等以下許將未分前充過役次於各戶名下批朱理為役脚與都內得替人比並物力高下歇役久近通行選差品官限田有制死亡子孫減半蔭盡差役同編戶

一品五十頃二品四十五頃三品四十頃四品三十五頃五品三十頃六品二十五頃七品二十頃八品一十頃九品五頃

封贈官子孫差役同編戶謂父母生前無曾任官伯叔或兄弟封贈者應非泛及七色補官不在限田免役之數其奏薦弟姪子孫原自非泛七色而來者仍同差役進納軍功捕盜宰執給使減年補授轉至陞朝官即為官戶身亡子孫並同編戶太學生及得解及曾經省試人雖無限田許募人充役單丁女戶及孤幼戶並免差役庶幾孤寒得所存恤凡有夫有子不得為女戶無夫子則生為女戶死為絕戶女適人以奩錢置產仍以夫

為戶坑冶戶遇採打礦寶免本身諸般差役鹽亭戶家產及二等等以上與官戶編戶一般差役不及二等依紹興十七年七月指揮蠲免民兵萬弩手免戶下三百畝稅賦及諸般差役不及三百畝輒隱他人田畝許人告湖北京西民兵義勇第四等戶與免非泛差科外其合差保正長以家業錢數多寡為限將限外之數與官編戶輪差總首部將免保正長差役文州義士已免之田不許典賣老疾身亡許承襲凡募人充役並募土著有行止人其放停軍人及曾係公人並不許募既有募人官司不得復追正身募人不管於雇役之家非理需索或憑藉官司之勢姦害善人斷罪外坐募之者以保伍有犯知而不糾之罰且保正副所職在於煙火盜賊橋梁道路今或使之督賦租備修造供役使皆非所役而執役者每患參役有錢知縣到罷有地里錢時節參賀有節料錢官

員過都醋庫月息皆於是而取之抑有弓兵月巡之擾透漏禁物之責捕盜出限之罰催科填代之費承判追呼之勞至於州縣官吏收買公私食用及土產所有皆其所甚懼也若夫戶長所職催夏稅則先期借絹催秋稅則先期借米堪溪落江之田逃亡死絕之戶又令填納凡此之弊皆上之所當察也 高宗皇帝身履艱難在河朔親知閭閻之苦嘗嘆知縣不得人一充役次即便破家是以講究役法至中興而大備 乾道五年處州松陽縣首倡義役衆出田穀助役戶輪充守臣范成大嘉其風義爲易鄉名自是所在推行浸廣而當時浮議胥動多有伺其隙而敗其謀者十一年御史謝謬言義役之行當從民便其不願義役者乃行差役上然之且美其言爲法意圖備及朱文公意亦謂義役有未盡善者曰上戶官戶寺觀出田以充義役善矣其間有下戶只有田一

二畝者亦皆出田或令出錢買田入官而上戶田多之人却計會減縮所出殊少其下戶今旣被出田將來却不免役無緣復收此田之租乃是困貧民以資上戶此一未盡善也如逐都各立役首管收田租排定役次此其出納先後之間亦未免有不公之弊將來難施刑罰轉添詞訟此二未盡善也又如逐都所排役次今日已是多有不公而况三五年後貧者或富富者或貧臨事未免却致爭訟此三未盡善也所排役次以上戶輪充都副保正中下戶輪充夏秋戶長上戶安逸而下戶陪費此四未盡善也固嘗卽此四未盡善者而求之蓋始倡義役者多鄉閭之善士惟恐當時議之未詳而慮之未周及踵接義役者未必皆鄉閭之善士於是其弊日開其流日甚或以其材智足以把握而專義役之利或以其氣力足以凌駕乃私差役之權曰倍法曰析生等第法皆無所

月令
卷之三
五百八十七
攷而雇募人亦不與置置必受約束任驅使於義首者可以
叫號鄉曲厭酒肉而有餘否則傭錢不支而當役者困矣是
以虐貧而優富凌寡而暴孤義役之名立而役戶不得以安
其業雇役之法行而役戶不得以安其居信乎朱熹未盡善
之弊固如此也

水心葉氏義役跋曰保正長法不承引帖催二稅今州縣
以例相驅訶繫鞭撻遂使差役不行士民同苦至預釀錢
給費逆次第其先後以應期會名曰義役然則有司失義
甚矣余嘗問爲保正者曰費必數百千保長者曰必百餘
千不幸遇意外事費輒兼倍少不破家蕩產民之惡役甚
於寇讎余嘗疑之官人以牧養百姓爲職當潔身馭吏除
民疾苦且追則有期約日以集使賄必行應追者任之可
也民實有產視稅而輸使賦必重應輸者任之可也保正

長會最督促而已何用自費數百千及百餘千甚或漁倍
以至破家蕩產乎且此錢合而計之歲以千百巨萬旣不
歸公上官人知自愛又不敢取誰則有此余初以其言爲
妄然余行江淮閩浙洞庭之南北蓋無不爲此言者矣嗚
呼此有司之所宜陳者也余忝爲長吏不得爲令佐自試
其術以破余疑而不能意殊慘然因孫君義役書成輒題
於後以告其得爲者

按差役古法也其弊也差設不公漁取無藝故轉而爲
雇雇役熙寧之法也其弊也庸錢自輸苦役如故故轉
而爲義義役中興以來江浙諸郡民戶自相與講究之
法也其弊也豪強專制寡弱受凌故復反而爲差蓋以
事體之便民者觀之雇便於差義便於雇至於義而復
有弊則末如之何也已竊嘗論之古之所謂役者或以

起軍旅則執干戈冒鋒鏑而後謂之役或以營土木則
親畚鍤疲筋力然後謂之役夫子所謂使民以時王制
所謂歲不過三日皆此役也至於鄉有長里有正則非
役也柳子厚言有里胥而後有縣大夫有縣大夫而後
有諸侯有諸侯而後有方伯連帥有方伯連帥而後有
天子然則天子之與里胥其貴賤雖不侔而其任長人
之責則一也其在成周則五家設比長二十五家設里
宰皆下士也等而上之則曰閭胥掌二十五家六鄉曰鄙長掌
六遂皆中士也曰旅師掌一百家六鄉曰鄙師掌五百家六遂皆上士
也曰黨正掌五百家六鄉曰縣正掌二千五百家六遂皆大夫也曰州
長掌二千五百家六鄉則中大夫也周時鄰里鄉黨之事皆以命
官主之至漢時鄉亭之任則每鄉有三老孝弟力田掌
勸導鄉里助成風俗每亭有亭長嗇夫掌聽獄訟收賦

稅又有游徼掌巡禁盜賊亦皆有祿秩而三老孝弟力
田爲尤尊可與縣令丞尉以事相教復勿繇戍古之所
者復其繇戍耳如三老蓋亦古復除之科然則謂三老爲役可乎嘗以歲十月賜酒肉
或賜民爵一級則三老孝弟力田必二級賜民帛一匹
則三老孝弟力田必三匹或五匹其尊之也至矣故戾
太子得罪而壺關三老得以言其寃王尊爲郡而東郡
三老得以奏其治狀至於張敞朱博鮑宣仇香之徒爲
顯宦有聲名然其猷爲才望亦皆見於爲亭長嗇夫之
時蓋上之人愛之重之未嘗有誅求無藝迫脅不堪之
舉下之人亦自愛自重未嘗有頑鈍無耻畏避苟免之
事故自漢以來雖叔季昏亂之世亦未聞有以任鄉亭
之職爲苦者也隋時蘇威奏置五百家鄉正令理人間
詞訟而李德林以爲本廢鄉官判事爲其里閭親識剖

斷不平今令鄉正專理五百家恐為害更甚詔集議而
 衆多是德林遂廢不置然則隋時鄉職或設或廢本無
 關於理亂之故而其所以廢者蓋上之人重其事而不
 輕置非下之人畏其事而不肯充也至唐睿宗時觀監
 察御史韓琬之疏然後知鄉職之不願為故有避免之
 人琬言往年兩京及天下州縣學生佐史里正坊正每
 一員闕先擬者輒十人頃年差人以充猶致亡逸即
 知政令風化唐宣宗時觀大中九年之詔然後知鄉職
 漸以弊也唐宣宗時觀大中九年之詔然後知鄉職
 之不易為故有輪差之舉詔以州縣差役不均自今每
 縣據人貧富及差役輕重作
 差科簿送刺史檢署訖錄於令自是以後所謂鄉亭之
 職至困至賤貪官汙吏非理徵求極意凌蔑故雖足跡
 不離里閭之間奉行不過文書之事而期會追呼笞箠
 比較其困踣無聊之狀則與以身任軍旅土木之繇役
 者無以異而至於破家蕩產不能自保則亦若之漏反

不至此也然則差役之名差後世以其困苦卑賤同於
 徭役而稱之而非古人所以置比閭族黨之官之本意
 也王荆公謂免役之法合於周官所謂府史胥徒王制
 所謂庶人在官者然不知周官之府史胥徒蓋服役於
 比閭族黨之官者也蘇文忠公謂自楊炎定兩稅之後
 租調與庸兩稅既兼之矣今兩稅如故奈何復欲取庸
 錢然不知唐之所謂庸乃征徭之身役而非鄉職之謂
 也二公蓋亦習聞當時差役之名但見當時差役之賤
 故立論如此然實則誤舉以為比也上之人既賤其職
 故叱之如奴隸待之如罪囚下之人復自賤其身故或
 倚法以為姦或匿賦以規免皆非古義也成周之事遠
 矣漢之所以待三老嗇夫亭長者亦難以望於後世如
 近代則役法愈弊役議愈詳元祐間講明差雇二法為

一大議論然大槩後之所以不可爲者費重破家耳蘇
黃門言市井之人應募充役家力旣非官厚生長習見
官司官吏雖欲侵漁無所措手耕稼之性如麋鹿一
入州縣已自懾怖而况家有田業求無不應自非庶吏
誰不動心凡百侵擾當復如故以是言之則其所以必
行雇役者蓋雖不能使充役之無費然官嘗任雇募之
責則其役與民不同而橫費可以省雖不能使官吏之
不貪然民旣出雇募之費則其身與官無預而貪毒無
所施此其相與防閑之術雖去古義遠甚然救時之良
策亦不容不如此然熙豐間言其不便者則謂差役有
休歇之時而雇役則年年出費差役有不及之戶而雇
役則戶戶徵錢至有不願輸錢而情願執役者蓋當時
破家者皆愚懦長事之人而桀黠之徒自能支吾而費

用少者反以出雇役錢爲不便又當時各州縣所徵雇
役錢除募人應役之外又以其餘者充典吏俸給之用
又有寬剩錢可以備凶旱賑救可以見當時充役之費
本不甚重故雇役之錢可以備此三項支用也若夫一
承職役羈身官府則左支右吾盡所取辦傾困倒廩不
足賠償役未滿而家已罄事體如此則雇役之法豈復
可行雇役之金豈復能了然則此法所以行之熙豐而
民便之元祐諸君子皆以爲善者亦以當時執役之費
本少故也禮義消亡貪饕成俗爲吏者以狐兔視其民
睥睨朶頤惟恐墮窞之不早爲民者以寇戎視其吏潛
形匿影日虞懷璧之爲殃上下狙伺巧相計度州縣專
以役戶之貧富爲宦况之豐殺百姓亦專以役籍之係
否驗家道之興衰於是民間視鄉亭之職役如蹈湯火

官又以復除之說要市於民以取其貲其在復除之科者苟延歲月而在職役之列者立見虛耗雖有智者不能為謀矣所謂正本澄源之論必也朝廷以四維勵士大夫餼廩稱事無俾有多藏之惡士大夫以四維自勵力行好事稍能以澤物存心然後鋤姦貪之胥吏以去其蠹害削非泛之支備以養其事力賦歛之簿書必覈無使代逋欠之輸勾呼之期會必明毋使受稽慢之罰夫然故役人者如父母之令其子弟恩愛素孚役於人者如擘指之護其腹心劬勞不憚既無困苦之憂不作避免之念則按籍召而役之可矣奚必曰雇曰義之紛紛哉不然舉三代以來比閭族黨之法所以聯屬其民上下相維者反藉為厲民之一大事愚不知其說矣

復除

周鄉大夫之職以歲時登其夫家之衆寡辨其可任者國中自七尺以及六十野自六尺以及六十有五皆征之其舍者國中貴者賢者能者服公事者老者疾者舍舍貴若今宗室及閭內也侯皆復也服公事者若今吏有復除也老者謂若今八十九十復羨卒也旅師凡新阡之治皆聽之使無征役新使戶者均人凶札則無力政政讀力政政讀

士制命鄉論秀士升之司徒曰選士司徒論選士之秀者而取之學曰俊士升於司徒者不征於鄉升於學者不征於司徒曰造士不征不給造士其繇役

五十不從力政力政城道八十者一子不從政九十者其家不從政廢疾非人不養者一人不從政父母之喪三年不從政齊衰大功之喪三月不從政將徙於諸侯三月不從政自諸侯來徙家期不從政大夫采地之民徙於諸侯為民以其新徙當須復除但諸侯地寬役少故三月不從自諸侯來

徒大夫之家邑大夫後
多地狹故期不從政

漢高祖二年蜀漢民給軍事勞者復勿租稅二歲關中卒從軍者復家一歲 鄉三老縣三老復勿繇戍

五年詔諸侯子在關中者復之十二歲其歸者半之軍吏卒賜爵非士大夫已下皆復其身及戶勿事

七年民產子復勿事二歲

八年令吏卒從軍至平城及守城邑者皆復終身勿事

十一年諸縣堅守不降反寇者復租三歲 豐人徙關中者皆復其身 士卒從入蜀漢關中者皆復終身

十二年詔吏二千入蜀漢定三秦者皆世世復 以沛為湯沐

邑復其民世世無有所與沛父兄請復豐乃并復豐比沛 詔

秦始皇帝守冢二十家楚魏齊各十家趙及魏公子無忌各五

家令視其冢復無與他事

惠帝四年與民孝悌力田者復其身

文帝九年高年九十者一子不事八十者二筆不事 募民中塞

皆賜高爵復其家令民入粟至五大夫乃復一人

西邊北邊之郡雖有長爵不輕得復

三年幸太原復晉陽中都民三歲租

四年復諸劉有屬籍者家無所與

景帝遺詔出宮人歸其家復終身

武帝建元元年民年八十復二筭九十復甲卒 又詔民年九

十以上已有受鬻法給米粟為糜為復子若孫令得身率妻妾

遂其供養之事

武帝為博士官置弟子五十人復其身 登禮中嶽以山下戶

允三百封崇高為之奉邑獨給祠復無有所與 府庫並虛乃

募民能入奴婢者得以終身復 桑弘羊請令民入粟甘泉各

一

有差以復終身時兵革數動民多買復及五大夫千夫調發之
士益解

宣帝地節二年詔博陸侯功德茂盛復其後世世毋有所與功
如蕭相國

地節三年詔流民還歸者且勿筭事

地節四年詔諸有大父母父母喪者勿繇事使得收歛送終盡
其子道

元康元年復高皇帝功臣絳侯周勃等百三十六人家子孫令
奉祭祀世世勿絕其母祀者復其次

元帝好儒能通一經者復數年以用度不足一更爲設負子人
永光二年用度不足民多復除無以給中一徭役

世祖建武五年詔復濟陽二年徭役帝生

十六年幸汝南南頓縣賜吏人復南頓歲一歲

父老叩頭言願賜復十年帝曰天下重器常恐不任日復一
日安敢遠期十年乎吏人又言陛下實惜之何言謙也帝大

笑復增一歲

三十年復濟陽縣徭役六歲

三十年復濟陽縣徭役一歲

明帝永平五年常山三老言上生於元氏願蒙優復詔曰豐沛
濟陽受命所由加恩報德適其宜也今永平之政百姓怨結而
吏人求復令人愧笑重逆此縣之拳拳其復元氏田租更賦六
歲勞賜縣掾史及門閭走卒

桓帝永康元年復博陵河間二郡比豐沛

靈帝光和六年復長陵縣比豐沛

徐氏曰按漢之有復除猶周官之有施舍皆除其賦役之
謂也然西京時或以從軍或以三老或以孝悌力田或以

明經或以博士弟子或以功臣後以至於產子者大父母
父母之年高者給崇高之祠者莫不得復其間美意至多
至東都所復不過濟陽元氏南頓數邑蓋專為天子之私
恩矣

按周官及禮記所載周家復除之法除其征役而已至
漢則并賦稅除之豈漢之法優於周乎曰非也蓋賦稅
出於田而周人之田則皆受之於官其在復除之例者
如所謂貴者賢者能服公事者即公卿大夫以及庶人
在官之流皆受公田之祿以代耕未嘗予之田而使之
躬耕者也所謂老者疾者則不能耕而不復給以田且
仰常餼於官者也所謂新氓之遷徙者則是未及授以
田者也此數邑之人既元無田則何有於賦稅故只除
其征役至漢則田在民間官不執授受之柄亦無復應

受與不應受之法矣故在復除之例者並除其賦役也
然漢以後則官戶之有蔭至單丁或老疾者除其役則
有之亦不復聞有除稅之事矣

魏黃初元年之後始開太學至太和青龍中中外多事人懷避
就雖性非解學多求詣太學諸生有千數而諸博士率皆龕疎
無以教弟子弟子本亦避役竟無能習學冬來春去歲歲如是
王褒門人為本縣所役求褒為屬褒曰卿學不足以庇身吾
德薄不足以蔭卿屬之何益且吾不捉筆已四十年乃步檐
乾飯兒負鹽豉門徒從者千餘人安丘令以為見已整衣出
迎之於門褒乃下道至土牛磬揖而立云門生為縣所役故
來送別執手涕泣而去令即放遣諸生

唐制太皇太后皇太后皇后總麻以上親內命婦一品以上親
郡王及五品以上祖父兄弟職事勳官三品以上有封者若縣

男父子國子太學四門學生俊士孝子順孫義夫節婦同籍者皆免課役凡主戶內有課口者為課戶若老及廢疾篤疾寡妻妾部曲客女奴婢及視九品以上官不課四夷降戶附以寬鄉給復十年奴婢縱為良人給復三年沒外蕃人一年還者給復三年二年者給復四年三年給復五年又詔諸宗姓未有職任者不在徭役之限玄宗初立求治蠲徭役者給蠲符以流外及九品京官為蠲使歲再遣之

白履忠名拜朝散大夫乞還吳競謂之曰子素貧不需斗米匹帛雖得五品何益履忠曰往契丹入寇家取排門夫吾以讀書縣為免今終身高卧寬徭役豈易得哉

唐制諸司捉錢戶皆給牒蠲免徭役

詳見雜征推門

宋真宗皇帝乾興元年臣僚上言官勢戶及將校衙前占田避役之害

見差役門

仁宗時初官八品已下死者子孫從同編戶詔特蠲之凡民避役者或竄名浮圖籍號為出家趙州至千餘人州以為言遂詔出家者須落髮為僧乃可免役

神宗熙寧二年頒募役法於天下詔崇奉聖祖及祖宗陵寢神御寺院宮觀免納役錢

諸旌表門閭有物書及前代子孫於法有蔭者所出役錢依官戶法賜號處士非因技授者準此

按自熙寧助役之法既行凡品官形勢以至僧道單丁該免役之科者皆等第輸錢無所謂復除矣然數者之輸錢輕重不等其詳見戶役門茲更不備錄

中興以後差役之法品官限田有制死亡子孫減半蔭盡差役同編戶

並詳見戶役門

文獻通考卷之十三

通考

卷之十三

十三

中書省

中書省

中書省

中書省

Faded vertical text columns, likely bleed-through from the reverse side of the page.

